



# TOPPHIYEE MALLETEE NOONOO

## DOJJECHI YAABOO

Awuddinee Kimo

### Kafi Nonoona

#### **Biichito Dojj:**

- » Wondwosen Wondimmi

#### **Ciinii Tachito:**

- » Dojj: Mulugeeta

#### **Ibaariyeechino :**

- » D/no Akiliilu Alemi,
- » D/no Tesfaye W/Yohaani

#### **Diizaynari**

- » D/no Siisaayi Taagassa



*Toppiyee Federaale Dimokiraasee Ripuubliikee Doyee Ministeero*

---

# Kichoo

<b>Gimo</b> .....	iii
<b>Haaroo Ikkoo</b>	
Aabicha'aa Yooyon Beshiihote.....	1
<b>HAAROO GUTTOO</b>	
Bari Bare Mooyina'ochi Tachoo.....	5
<b>Haaroo Keemo</b>	
No Qoco.....	10
<b>Haaroo Awuddoo</b>	
Showeena'onaa xaa'eena'ochi Shigo.....	15
<b>Haaroo Uuchoo</b>	
Ta Shaahaaniyoo.....	18
<b>Haaroo Shirittoo</b>	
Ambichee Saatoone.....	22
<b>Haaroo Shabaattoo</b>	
Maayi Kaaco.....	26
<b>Haaroo shimittoo</b>	
Kaatoon Bariyoo.....	31
<b>Haaroo Yiixiyoo</b>	
Tiraafiike Sheereena'o.....	34
<b>Haaroo Aashiroo</b>	
Meeqqeqqo.....	37
<b>Haaroo Araa Ikko</b>	
Mooyina'ochi Shuunee Hinnoo.....	40
<b>Haaroo Araa Guttoo</b>	
Bi Qelloon Biriyyoo.....	43

---

# Gimo

Hini dojjechi yaaboo qannito TMN doyoo icheebeeti awudde giddiyee daqqeena'on xeppho tuniitenane.

1. Malleteena'ochi shuunee qocoon bekkiiyoo: Dojjechina'ò kimooch boono gimoyee aaf aabi doyooch qaawiimmi malleteena'on ubba herecho qaawiihe. Shemmeeshooyee woyee doyichooye aaf doyechina'òch inde malleteena'ò bekkiiyoo qaawiihe.
2. Malleteena'ochi yaferee bireena'on bekkiiyoo: Doyechina'ò malleteena'ochi shuunee hinnoon gaawichii boono digenetoyee gubb malleteena'on yaferee bireena'ona boono ariyeemmoch dego, malleteena'ò kooroona boono giddemmi goorooch kette gommona digenoonaa boono shalligoon ame keyaa kindaalloon kooroona biriyooch gaachehe.
3. Biriyooye: Doyechina'ò malleteena'on ciinonaa yaferee bireena'on baach ciinona time shalligoon digenee qayo hakkiyeete. Ebich dojjecho malleteena'on kerimmii shalligoon sheqqoo qaawiihe.
4. Malleteena'on shemmeeshoonaa doyichee maacoonoch gaacho: dabbimmi shuunee daqqooch malleteena'ochi doyichoona shemmeshee maac boono giiti hinnoon bekkiiyoona doyechina'ò bono gaacoonaa biishoonoch gamini ariyoo boono daneemmoch dego qaawiihe.
5. Doyechina'ò malletoon boono gaacheemmoch tuniyoo: malleteena'ò boono kashee qeppeena'ò tuneemmoch, malleteena'on boono wocheena'ooch, kuchi maaci ihaateyooch, tootteyooch dab. shuunee toommooch heechiyoonaa boono gaacheemmoch malloon halloo uuchinnee daqqooch woyeemmi mooshoone.
6. Wochii ciino: Shirittinnee daqqooch beddimmona malleteena'ò doyechina'ò qelli maac boono digeniyeemmoch aabi kimee shuuraareena'oyee shiichi inde malleteena'on wochii ciino qaawiimmo tunehe.

## Qaawiimmi Qanneena'o

Shimboon bekkiiimmi malleteena'on aafee briyoona ashittinee shureena'on gaawichii herecho

- ◆ Shichoon shemmee bi yechiti wocheena'ochi sheqqoon qannayii'ii TMN herecho,
- ◆ Shemmeeshoon meeqqeqqona shemmoonaa TMN shaddii'i herecho,
- ◆ Shemmeeshoochi wochoon qaminona TMN qannayoo.
- ◆ Shemmeshee maacee doyechina'ò besheti kimee daqqoochaa boono doyiti malleteena'onaa boono doya bedee malleteena'ochi seqqoon qannayoonaa, shiichii'i boono doyton wochii ciinona baach, beshoon andiree malleteena'on doyechina'ò digeniyeemmoch haaroo kotaa ciireyaahaa doyee kaalli kaallee goorooch gaacooch boono heechiyeemmi gommon yamoo, daakkoona malleteena'ochi qoce sheqqoon qannayoonaa herecho.
- ◆ Icheti giishechee shichee shaaheena'on xepphoo tuniyoona besheti kanneena'ochi gaacoon herechoonaa kuchi maac gaawe shaahoo tuno hakkimmii malleteena'on qannayoo.
- ◆ Guuphi ihaateyoonaa tootteyoonon daachecho tuniimmi mareena'on gaacho.

## Qaawiimmi doyee qiiceena'o

TMN dojjechina'o dojje gaachee qiiceena'och ooge koonjoon imo boonoshich qaawiihe, ebichi naboo TMN ciinnii shemmee noonoo bi tunetoch, dojje gaachee qiiceena'och inde heenoo beete. Dojjechina'o fotograafoon boono qelloona tiijjii gaachoo hakkiyeete. Shicheena'on/ fotograafeena'on, shuraaree filimeena'o dab. boono danemmegaatoo kaamona gaacee toommooch heechiyooch herecho dojjechina'owaanee qaawiihe. TPM mihee koberoo/dikishineeroo ubbe aaboon boonowaanee baraacheemmi dojje gaachee qiico tuno qaawiihe.

- ◆ Dojjechina’o haaroochi indee malleteen’oona tate shicheena’o/foteena’o, hakkiyoo qayigaatoo kafi noonona goome sheexee he’eeena’o yechiti kaariddeena’o boono qelloona qannayoona gaacho boonoch qaawiihe.

## **Haaroon arichiyoo**

- ◆ Ame doyooyeen aaf shimboon arichiyoonaa shalligoo booneshich areddoo bi tuniyaahena biriyoo qaawiihe.

Doyichee shuunee hinnoo

### **1. Aa’i made toommooch kooroo**

- » Haaree inde shimboon
- » Doyichee shimboon
- » Shimboona yesheti inde malleteen’o

### **2. Bekkiyoo**

- » Aa’i madooch kooreeti miheena’ochi tatee malleteen’o bekkiyoo

### **3. Biriyyoo**

- » Malleteen’och inde shlligoon biriyoo

### **4. Doyichoon arichiyoo**

- » Bo’oon doyechina’och shemmoona qaaweemmi shuunoon biriyoo.

### **5. Ihaateyyoo**

- » Doyechina’o shichoon boono shemmeemmo 2-3 daqqiyooyich daaggoo.
- » Doyechina’o shichoon biriyeemmo 3 goggiyoo.
- » Doyechina’o wochoon immimmona malletee boono gaachee hinnoo dabbii qaaweemmi tachoon imo.
- » Doyechina’o andiree malleteen’o boono gaachemmona aa’i made toommooch kooroo

### **6. Qamini biriyoo**

- » Doyechina’o boono gaacheemmo yameeti malleteen’oona noonee qeppeena’o gaachoonaa shichee amittinoo briyoo.
- » Aa’i made toommooch kooretina’oona doyechina’o gaacheti andiree malleteen’o briyoo.

### **7. Boono doyiti shalligoon briyooch boono gaacheemmo herechiyoo**

- » Doyechina’o qemi qemona boono doyiti malleteen’oona noonee gaachee yawoon gaachoon boono shalligoon boono briyeemmo mallee imo.

### **8. Wochii Ciino**

- » Aa’i made toommooch kooreeti malleteen’o doyechina’o wochii ciino.

### **9. Qoppoo**

- » Doyechina’o kaalli kaalloona aa’i madooch kooreeti malleteen’o boono bekkiyeemmo echo.

- » Malleteenàò daggoochee boono hakkitinaòn woddii'i gaachoona ikke minnaakannoon boono shuuneemoch kupphiyoo.
- » Boono shalligoon shataanoon boono kichiyeemoch ihaatiyoona toottiyoonon gaacho.
- » Shemmeshee gaachee yawo
- » Kuchi maac womoyee shiichii'i shemmeshoon shemmoona koonjoo ichiya bedde malleteenàò bariyoo.
- » Malleteenàò herecho.
- » Shemmeshoon TMN giddiyoo hakkiyeemmi gommon herecho.
- » Shiichii qannitii shemmesheexi inde malleteenàò aa'i made toommooch koori boono shuunee hinnoon bekkiiyoo, boono yechiti shalligoon briyoo.
- » Inde malleteenàòch bariti koonjoon imona shemmeshoon doyechinaòch shemmo.
- » Shemmeshee shalligoon TMNna giddiyoo.
- » Doyechinaò shemmeshoona yesheti echeenaòn boono echeemoch goggiyoo.
- » Doyechinaò dabbimmii doyee kaallooch qannooch shemmeshoon shemme boono woyeemoch kupphiyoo.

### **Doyichee gaachee hinnoo**

- ◆ Inde malleteenàò aa'i madooch koori bekkiiyoo, briyoo.
- ◆ Hajjiyoon doyechinaòch shemmee briyoo.
- ◆ Echeenaòn qelli qelloona shemmoona amaa geto gaata briyoona doyechinaò meeti malleteenàò, bari bare minnaakannee kocci hinnoon, eboommonoo ikke shalligoon briyooch hakkebeeti bari bare gomminaòn ciinneemmi malloon, boono daneemoch echeenaòch qelli qelloona keeji beddimmi wochoon boono immeemoch tuniyoo.
- ◆ Doyechinaò wochoon boono immimmona qaawiimmi tachee degoon imo.
- ◆ Doyechinaò wochoon immimmona hakkeegaata viidiyoon kitonaa hakkiyoo qayigaata ebiyee aaf kuchi maac gaacaani malleteenàò boono gaacheegaata aa'i madooch koori bekkiiyoo.
- ◆ Doyechinaò daggoochee shaahaaniyee minnaakanneenaòn aa'i made toommooch kooroo.
- ◆ Echa wochoon ciimmona aa'i made toommoch kooreeti miheenaò woyee malleteenàonaa minnaakanneenaò toommooch ihaateyoona doyechinaò TMN iiqqee qeppoo boono tuneemoch de-gona dabbimmi doyooch shaakkoo tunii'i gaacho.

### **Iinjoon gaachee hinnoo**

#### *Iinjeee gaboo:*

- ◆ Doyechinaò booneshinaa booneshina herecheemoch tuniyoo.
- ◆ Doyechinaò booneshinaa booneshina yibbaateebee goora hallee TMNni boono gaacheemmi qoodoch dojjecho TMN hallee gaachee hinnoon dabbi bi ciineemmi malloon halloochiye.
- ◆ Shiichi kottetinaòn gamichooch boono hakkiyeemmi malloon tachoochiyee.

## **Gawaatoo**

- ◆ Kuchi meetoommona doyechina'oon uuche naayo yechiti guuphona qoodoo.
- ◆ Dojjechino ikke echoon ikke guuphoch shemmee brii bo iyitoyee gubb, 10che 15 daqqiqooch beddimmon imona guuphi ihaateyoon guudii'i dabboo.
- ◆ Iihaatiyee toocoochaa guuphi naayina'oo daggooshee ikkoo doyechina'oo aafooch neexeechi ihaatiyee daachoon bi giddeemmooh goggiyoo.

## **Tochee gaachee hinnoo**

- ◆ Tochee gaboo doyechina'oo boono digeneton boono noonona wochinnoon getona amoommon boono digeneto gaata boono bekkiiyeemmonaa, aroona tookkishoo yibbaatee iiqqoon boono uumiyeemmochiye. Dojjecho tochoona ebi iiqqoon boono uumiyeemmii gommon tachoo qaawiihe.
- ◆ Doyechi koricee maac koteti teppeena'oo doyechina'oo tochee maac, boono gimon dabboonaa qaaweemmi tachoonaa degoonon imo qaawiihe.
- ◆ Doyechina'ochi mallettee gaachoonaa minnaakannee shuunee hinnoon meeqqeqqoona dabboonaa qayoonaa dabbimmi doyooh daakkee degee qiicoon tunii'i gaacho.

## **Toottiyee gaachee hinnoo**

Dojjechina'oo toottiyee gaboo doyechina'oo kupphe kuchi maaci shuuraaree toommooch madeemmonaa, boon doyiti malleteena'oo, minnaakanneena'oonaa aafoonaa ashittinee shuuraareena'oonon gaachoonaa boono shalligoon boono biriyeemmooh goggiyooch tunoon digenoonaa bi tooceemmi hinnoon tachoo qaawiihe.

Doyechina'oon gutte guuphona qoodii'i toottiyee shimboonaa shafiroonon biriyoo. Aroyee gubb qaawiimmi tachoonaa degoonon immiibee doyechina'oo boono shalligoon xalloo tune boono biriyeemmi malloon tachoo.

Ubbe malleteena'oo dabbimmii uuche iseteena'oochee boono shuuneebeeto tunoon briyoona malleteena'oo dan halliyaaneena'oonaa sheerechina'oo boono tunoon boono digeneemmooh tunibit.

Echaa wochee gaachee hinnoo

- ◆ Dojjechino ubbe shemmesheena'oonaa echaa wocheena'oonon magaa gaawichii hereche womo qaawiihe.
- ◆ Batti batt dojjecho gutte ashoon tunoon xaa'oon shaddibee echaa wochoon doyechina'och shemmo. Doyechina'oo wochoon boono digeniyaahena wochii wochii shemmo.
- ◆ Dabbiyoona gutte doyechina'oon kuchi maacaa aaf neechoona echaa wochoon boono wochi herecheemmooh tuniyoo. Kooreeti echaa wocheena'oon baach wochii geto wuttoo toonoone. Doyechina'oo boono noonona shalligoon wochii geto boono hakkigaata beddiye.
- ◆ Ubbe doyechina'ochona malloo shaggaahaa herechoon dabbiyoo.
- ◆ Herechoon ciimmona dechaa beeti doyichoon doyechina'oo shemmee boono digenoon xiisheetoyee gubb dabbimmi doyee kaallooch wocheena'oon qannayoona boono woyeemmooh tuniyoo.

# Haaroo Ikkoo

## Aabicha'aa Yooyon Beshiihote

### Hini haaroochee quyiyeemmi daacheena'o.

Doyechina'o yooyon aabichii boono beshiito gaata briiheete.

Haree ikkee doyyoon boono toocitoyee gubb doyechina'o dabbimmina'on halloo hakkiyeete.

- » Boono gooroon aabichii'i boono beshiito gaata briiheete.
- » Beshetonaa gubbi gooree biriyooch gaacimmii kanneena'on gaacheheete
- » Yoochi gawaateena'ona yesheti malleteenan'on bekkiiheete; gaacheheete.
- » Malleteenan'ochi kuxon sheqqeheete.

### Inde malleteena'o

Yooyo, qaawoo, amiyoo, aabo, yongecho, gaamoo, aqqoo, qaayoo, ambamboo, baderoo, goyo, kooteero, shoco, shoocho, kayo, qayo, kasho dab.

### Dojje degee quiceena'o

- ◆ Kitaamitee yoochi shuuraaron bekkiiimmi shicheena'o/ fotograafeena'o/shuraarebeeti filimeena'o,
- ◆ Haareexi inde malleteena'ona goome shicheena'on/fotograafeena'on gaacho, hakkiyoo qayi-gaata kafi noonee goomeena'on gubbi ga'oochaa yechiti belleteena'on gaacho.

### Shimboon biriyo.

- ◆ Shimboon arichiyoo, shalligoo boonoshich gaawichi bekkiaahaa briyoo.

- ◆ “Aabicha'aa Yooyon Beshiihone” iyimmii malleto keeje boono qelloon hakkitii malleteenan'ochi xappoo tunoon briyoona doyechina'och malleteenan'ochi kociyee shafiroon arichiyoo.

Yooyo + aabichaa + beshiihone = Aabicha'aa Yooyon Beshiihone?

### Doyoo Ikkoo:

Doyichoo Ikkoo: Shicheena'on Shemmo

1. Hini doyichee gaboo inde malleteena'on arichiyoo tunoon digenebot.
  - ◆ Shicheena'on meeqqeqqoona shemmeyeesh wochoon imona boono shuuraareemmoch goggiibit.
  - ◆ Doyechina'o wochoon boono immiibeegaata malleteenan'ochi goome miheena'on aa'i made toommooch kooribit.
  - ◆ Iihaatiyee ciirooch inde malleteena'o daggoochee gettiyaaneena'o beegaata sheqqee toommooch daakkibit.
  - ◆ Doyechina'ona tookkiyee malleteena'on yaferee bireena'ona gaachoon wochinoon herechebeta.
2. Doyechina'o yoochi yagoo aabi shichooch bi katiniibeeto gaata naboona tookki boono biriyeemmoch kupphiibit. Yaferoon malleto baach wochoo tune qayon doyechina'och getit.

### Doyoo Guttoo:

shemmeeshoo: Yooyon Aabichaa Beshiihote

Shemmeeshoon itti shemmooyee aaf dabbimmi-

na'on gawaatibit:

- ◆ Shiichaa qannitii shemmeshee inde malletteenaa'aa'i made toommooch koroona boono shuunee qocoon bekkiiyoo, time shalligooon briyoo. Sheqqo dabbimmina'on bi maacooch yesho biin qaawiihe.

Aabichi, beshiyoo, tochoo, gijjeena'on qiddo, budeexi maayo, duubiyoo, bayo, kiceeti maayo, dico, dego, kochi kachiyoo, buskutee michoo, duubbi qiico, inglizee noonoo, giitaaro, ariyoo, shuuraaro, piyaanoo, qoredda koyo, shaxee qoredoo, giixo, kooree qiico, gatiyoo, worganiyoo, shimo, muccho, vaato, goyo, qofoo, shoco, heenoo, shichiye, shichoo, yaaroo, yeello, kuwaasee kayo, daro/kote aaco, kobeco, giyaamo, tuniyaani, mi-hoo, gawaatoo, yamoo.

- ◆ Inde malletteenaa'och koonjoo imona shemmesheeshoon doyechina'och shemmoo.
- ◆ Shemmeshee shalligooon TMN minnaakanneena'on gaachoon giddiyoo.
- ◆ Doyechina'o shemmesheeshoon yesheti echeena'on boono echeemoch kuphiyoo.
- ◆ Doyechina'o dabbimmii doyee kaallee doyooch qanni, shemmesheeshoon boono qelloona shemme boono woyeemmoch goggiyoo.

## Doyichoo Ikkoo:

Mallettee Noonoonaa Biriyyoo

Doyichooch beeti echeena'och doyechina'o boono qelli shalligoommona bari bare gommona wochoo hakkiyeete. Ebichi koonjoo wochee imoch tuniyaanooon mallettee halloona gaachee hinnee toommooch tuno qaawiihe. Echooch itti hamoyee aaf dabbimmina'on gawaatibit.

- ◆ Inde malletteenaa'on aa'i made toommooch koori bekkiiyoo, briyoo,
- ◆ Hajjiyoon doyechina'och shemmee briyoo.
- ◆ Echeena'o qelli qelloona shemmoonaa amaa geto gaata briyoonaa doyechina'o meeti malletteenaa'on, bari bare minnaakannee kocee hinnon, eboommonoo ikke shalligooon briyooch hakkebeeti bari bare gommina'on ciinneemmi malloon, boono daneemmoch echeena'och qelli qelloona keeji beddimmii wochoon boono immeemmoch tuniyoo.

- ◆ Doyechina'o wochoon boono immimmona qaawiiimmi tachee degoon imo.
- ◆ Doyechina'o wochoon immimmona hakkeegaata viidiyoon kitonaa hakkiyoo qaiimmonoo ebiyee aaf kuchi maac gaacaani malletteenaa'on boono gaacheegaata aa'i madooch kooroo.
- ◆ Doyechina'o daggoochee shaahaaniyee minnaakanneena'on aa'i made toommooch kooroo.
- ◆ Echa'a wochoon ciimmona aa'i made toommoch kooreeti miheena'o woyee malletteenaa'ona minnaakanneena'o toommooch ihaateyoon doyechina'o TMN iiqqee qeppoo boono tuneemmoch degona dabbimmi doyooch shaakkoo tunii'i gaacho.

## Doyichoo Guttoo: Ihaateyoo

Doyechina'o shemmesheeshoon xepphoo tuniyoonaa dabbimmii echeena'o toommooch guuphona boono ihaateetoyee gubb, guupho mashaamitii shalligee sheqqoon boono kimee nuucheena'och boono gididiyeemmoch tuniibit.

Ihaatiyee gaboo doyechina'o boonoshinaa boonoshina doyiyeemmoch degonaa, doyechina'o boonoshinaa boonoshina yibbaateemmi goorooch hallee TMN boono gaacheemmi qoodooch, it-tich TMN hallee gaachee hinnoon ciinni malloon danoyich tunoon shalligooon ihaateyoon ebichi hinnoon tachibit.

- ◆ Kuchi meetoommona doyechina'on uuche naayo yechiti guuphona qoodoo.
- ◆ Dojjechino ikke echoon ikke guuphoch shemmee barii bo iyitoyee gubb, 10che 15 daqiiqooch beddimmon imona guuphi ihaateyoon guudii'i dabboo.
- ◆ Ihaatiyee toocoochaa guuphi naayina'o daggoochee ikkoo doyechina'o aafoch neexeechi ihaatiyee daachoon bi gididiyeemmoch goggiyoo.

## Doyichee wocheena'o

1. Kuwaasee kaayonaa kote aachi maac kobeconaa,
2. Kasho,
3. Yoochi kashoon gaawetonaa daachecho tuneti gommona beshiyoo hakkeeto tuno,
4. Booyo, dojjoonaa qaree giiijoonaa,
5. Doyechina'ochi shalligoomaon baribare wo-



choo beete, sha koriceena'õn bi shemmeem-moch, yoochi doyyoon bi doyyeemmoch, kiinechi xaa'ena'õn bi guudi qayeemmoch dab.

## Doyichoo Keemo

Malletteena'ochi sheexe malletteena'õ

Qaawoo, gondo, aaf kichoo, kuppho,dojjecho

Doyoo keemo

Doyechina'õ boono doyyiti malletteena'õ boono shalligoon biriyooch boono gaacheemmoch kuphiibit.

Besheti kanneena'õn bekkiiyooch bari bare gaachee yaweena'õ beemon briibit,


Shaahiyoo:

- ◆ Inde malletoon ciite/ciichoo iyiibeetona tookkii gaacho.

*Shaaahiyoo:*

Maat = mamo + ciite/ciichoo

- ◆ Inde malletoon besheti/ wanna iyiibeetona tookkii gaacho.



*Ikkaabiyooaba / beshetooba Genje goorooyee aaf*

## Doyichoo Ikkoo: Tochoo

Doyechina'õ boono yoochi yagoon kimee nuucheena'õch boono biriyeemmoch goggiibit. Doyechinaiochi tochoo bari baroo tunoo bi hakkiyeemmi qoodooch dabbimmina'õn bi maac yesho qaawiihe.

- Bi gawaatitii shuuneena'õ,
- Gawaatoochee bi doyyitii doyyoo,

Doyechina'õ aabichii yooyon boono yagitogaata kuchi maaci nuucheena'õch boono briibeeti goorooch dabboona ebiich beddaahaa boono doyyiti doyeena'õn shuunooch boono heechiyeemmoch qaawiimmi tachee degoon gedit.

## Doyichoo Guttoo; Tootteyoo

Toottiyee gaboo doyechina'õ boono shalligoon boono shunnitoommon boon briyeemmoch tunoonaa tattoo woyee daboo getteemmi shalligoo aalloo tunoon doyechina'õch digeniibit. Doyechina'õn gutte guuphona qoodiyee toottiyee shimboonaa shafiroonon itti biriitooyee gubb qaawiimmi tachoona degoonon immiibee boono shalligoon xalloo tune boono biriyeemmi malloon tachoo.

- ◆ Guupho Ikkoo: Yoochi ageneena'õ gaacciibeetina'õne.
- ◆ Guupho Guttoo: Yoochi ageneena'õ gaaccaaneena'õne.

## Doyoo Awuddo:

### Malletteena'ochi Iseeteena'õn sheqqoo

Ubbe malletteena'õ dabbimmii uuche iseeteena'õochee boono shuuneebeeto tunoon briyoona malletteena'õ dan halliyaaneena'õnaa sheerechina'õ boono tunoon boono digeneemmoch tuniibit.

- Malletoochi kishee qecoo
- Malletoo shuuneebeeti xaa'oo
- Malletoochi kishee made kaattoo
- Malletoochi shuuraaro
- Malletoona tookkii hammiibeeti aafe biriyeena'õnaa ashittine shuuraareen'õna



*Xepphe kishee qeceena'õ*



Yooyo



Yooyo



Kasho



Kaayo

**“yooyo” iyimmi mihoochi malletee sheqqa**


- A. Malletoochi kishee qecoo...../K/
- B. Malletoo shuuneebeeti xaa’oo..... No aafena
- C. Malletoochi kishee made kaattoo.....  
Maaxowaan
- D. Malletoochi shuuraaro ..... Zigizaago
- E. Malletoona tookii hammiibeeti aafe biriyeena’ onaa ashittine shuuraaren’o..... shiicee ciinnibeet aafodoyichoo Ikkoo

Daba icheti shaahiyoona xeppho tuniyoona hini haarooch no gaacheemmi malleteena’oochee keejje ind inde malleteena’ on kaacona dabbimmina’ on boono kime nuucheena’ och boono biriiyeemmoch tuniibit.


- A. Malletoochi Kishee qecoo
- B. Malletoo kasheemmi xaa’oo
- C. Malletoochi kishee made kaattoo
- D. Malletoochi shuuraaro
- E. Malletoona tookii hammiibeeti aafe biriyeena’ onaa ashittine shuuraaren’o

**Doyichoo Guttoo: Xibiye wochoo**


- 1. C
- 2. B
- 3. A
- 4. E
- 5. D



Aabe



Gaamoo




Goyo



Burico/kootero




Aqqoo




Qaawoo



Qayo



Amiyoo



Doyoo/Ariyoo

# Haaroo Guttoo

## Bari Bare Mooyina'ochi Tachoo

### Hini Haaroochee Quiyeemmi Daacheena'o.

Doyechina'o boono neexoonaa maggittinoonon eboommonoo mooyina'ochi oogishoo tacheena'ona tookkii briiheete.

Haaroo guttee doyyoon boono gawaatitoyee gubb doyechina'o dabbimmina'on halloo hakkiyeete.

- » Oogishoon boono tachoona xaaqqii gaacheheete.
- » Tacheena'on haddoona xibiyoona gaacheheete.
- » Oogishee tachee malleteena'on yaferee bireena'ona bekkiiheete.
- » Tacheena'ona yesheti malleteena'on tatee gommona shalligoon biriyooch gaacheheete.

### Inde malleteena'o:

Neexe, gaminonaa maggittinne tachee malleteena'ona eboommonoo tachee bekkiiyee malleteena'o ( Kiilo giraamo, Giraamo, Senti meetiro, leetiro, qato, ceeno, qamino, genjoo, gamino, xebboo, maggoo, aangecho, cicoo...) oogoo, beshe oogoo...biriyeena'o dab.

### Qoppoo

Qaawiimmi dojje qiiiceena'o

- ◆ Bari bare tachee qiiiceena'ona shicheena'ona,
- ◆ Haarexi inde malleteena'ona goome shicheena'on/fograafeena'on gaacho, hakkiyoo qayigaata kafi noonee goomeena'on gubbi ga'oochaa yechiti belleteena'on gaacho.

### Shimboon biriyoo.

- ◆ Shimboon arichiyoo, shalligoo boonoshich gaawichi giyaaha briyoo.
- ◆ Tachoona yesheti indee malleteena'on arichiyoo, neexo, gaminonaa maggee tacheena'on,
- ◆ Tacheena'ona yesheti inde malleteena'on yaferee malleteena'ona bekkiiyoo.

### Doyoo Ikkoo:

#### Doyichoo Ikkoo: Shicheena'on shemmo

1. Hini doyichee gaboo inde malleteena'on arichiyoo tunoon digenebot.
  - ◆ Shicheena'on meeqqeqqoona shemmeyeesh wochoon imona boono shuuraareemmoch goggiibit.
  - ◆ Doyechina'o wochoon boono immiibeegaata malleteena'och goome miheena'on aa'i made toommooch kooribit.
  - ◆ Iihaatiyee ciirooch inde malleteena'o daggoochee gettiyaaneena'o beegaata sheqqee toommooch daakkibit.
  - ◆ Doyechina'ona tookkiyee malleteena'on yaferee bireena'ona gaachoon wochinoon herechebeta.
2. Doyoo Guttoo: shemmeeshoo: (ikke doyee kaallo)
 

Shemmeeshoon itti shemmooyee aaf dabbimmii shemmeesheechi inde malleteena'on aa'i made toommooch koori boono shuunee qocoon bekkibit, time/inde shalligoon briibit.

Tachee , qiico, oogishoo, kiilo giraamo, meetiro, senti meetiro, qato, woho, maggoo, tachoo, miizaano, giraamo, aachero, leetiro, gaaloono, gaamoo, teerimo meetiro, senti gireedo.

- ◆ Inde malleteena'och koonjoo imona shemmeshoon doyechina'och shemmo.
- ◆ Shemmeshee shalligoon TMN minnaakanneena'on gaachoonna giddiyoo.
- ◆ Doyechina'o shemmeshoona yesheti echeena'on boono echeemoch kupphiyoo.
- ◆ Doyechina'o dabbimmii doyee kaallee doyooch qanni shemmeshoon boono qelloona shemme boono woyeemmoch goggiyoo.

### Doyichoo Ikkoo:

Doyechina'o shemmeshoon xepphoo tuniyoonna echeena'on boono wochiyeemmoch tuniibit. Doyechina'on gaachooyich echeena'on qelli qelloona shemmebee shalligoon TMNna briibit.

### Wocheena'o

1. Tacheena'o: miizaano, meetiro, leetiro, teerimo meetiro,

Bekkiyeena'o: giraamo, kiilo giraamo, senti meetiro, meetiro, senti gireedo

2. Miizaanoona
3. Miizaanoo neexoon bi tachaani qoodooch,
4. Kotebot, xaasoo, hiroo, gooqqoo dab.
5. Tatee oogishoon ariyooch gaacciye, no gaachaabeeti mooyina'o, no qaawitii oogishoonna kemooch gaachehe. No iiwittinooch dabbooch gaacciye.

### Doyichoo Guttoo: Xibiyoo

Btti batt qaawiimmi shuunoon briibit. Dabboona doyechina'o shuunooch boono gimoyee aaf gutte kuxina'o dechiich beeti miheena'ochi amittinooch boono digenoon xiishito tunoyich goomee malleteena'o ikke kaalloon doyechina'och bekkibit. Doyechina'o malleteena'on boono digenoon xiishii boono tiimmona haddeena'onaa bireena'onon baach woriqatee toommooch boono kooriyeemmoch woyee kaall kaalloona keyoona boono bekkieemmoch tuniyoo.

### Wocheena'o

1. C
2. A
3. D
4. B

### Doyoo Guttoo:

### Doyichoo Ikkoo: Minnaakannee koco

- ◆ Doyechina'o minnaakannoon boono shuuneemmoch itti echooyee aaf dabbimmii neexoonaa maggittinee goomiyee malleteena'o tatoona boono digeneemmoch tuniibot.

Genjoo, qamino, cicoo, aangoo, kettoo, maggoo, oogeto, giishecho, beshiye, giishehe, gaawa, gaawiyaaache dab.

- ◆ Shichoon shemmebee damba sheqqeeti malleteena'on gaachoonna gutte bushiisheena'on goomiyoonna minnaakannoon boono shuuneemmoch kupphiyoo.

*Sha: Saabi Caaliyee genjahan.*

### Doyoo Keemo:

### Echaa wochoon gaachee hinnoo

- ◆ Dojjechino gutte ashoon tunoonna xaa'on shaddibee echaa wochoon doyechina'och shemmebit. Doyechina'o wochoon boono digeniyaa-hena wochii wochii shemmebit.
- ◆ Gutte doyechina'on kuchi maacaa aaf neechoona Saabinaa Caalinon tuneyeesh echaa wochoon boono wochi herecheemmoch tuniyoo. Echaa wochoon kooretina'on baach wochii geto wuttoo toonoone. Doyechina'o boono noonoonna shalligoon wochii geto boono hakki-gaata beddiye.
- ◆ Ubbe doyechina'ochona mallo shaggaahaa herechoon dabbiibeeta.
- ◆ Herechoo ciiremmona dechaa beeti doyichoon doyechina'o shemmee boono digenoon xiisheetoyee gubb dabbimmi doyee kaallooch wocheena'on qannayoona boono woyeemmoch tuniibit.

## Doyichee Guttee wochoo

1. Iberoo
2. Kooto
3. Kooto
4. Kooto
5. Kooto

## Doichoo Keemo

Malleteena'ochi sheexe malletoo

1. Kettoo
2. Aangoo
3. Xebboo
4. Qamino
5. Giishehe

## Doyoo Uchoo:

### Shuuraaree Doyoo

- ◆ Dojjechino aabi shuuraaron doyechina'och arichiibot/ biriibot.
- ◆ Kimooch itti deewetii giishechee maggee tachee miizaanoonaa meetiroon gaache doyechina'och bekkiibit.
- ◆ Batti batt boono neexoonaa maggittinoon ariyaanee doyechina'ubba kimooch waati miizaanoonaa meetiroona tachoona boono kobereemmoch tuniibit.
- ◆ Doyechina'on gutti guttoo tunii guuphiyoonna ikkoo baroochi neexoon maggittinoon echeyoona kuchi maac iripooritto gedeeta.
- ◆ Doyechina'oo boono guuphi maggittinoonaa neexoonon tachoona batti batt icheti tachoona goomiyoon wochinnoo iripoorittoon gedeeta.

## Doyoo keemo:

### Goomiyoo

Doyichoo Ikkoo

- ◆ Doyooyee shiichi doyechina'oo goomiyoo boono hakkimmii bari bare qiiceena'on boono deewemmoch tuniibit.
- ◆ Doyechi koricooch koteti hajjiyoon doyechina'och briyoona goomiyee malleteena'on wochi ciichiibit.
- ◆ Doyechina'oo qelli qelloona kuchi maac boono nuucheena'oo aafooch keyona boono kaaccitii

mooyina'on goomiibee ikke minnaakannoon boono shuuneemmoch goggiibit.

- ◆ Gawaatoo madiimmo tuniyooch kotetii doyechina'oo giddeeti minnaakannee toommooch qoyitoo boono immeemmoch tunibit.
- ◆ Dojjechino shuunee hinnoon dabboona qaaw-iimmi tachoona degoonon gedit.
- ◆ Doyechina'oo boono gaachebeeti malleteena'oonaa noonee kuxina'oochee andiro tunetina'on aai'i made toommooch kooroonaa doyichee ciiroochaa doyechina'ona yibbaatebeeta.

## Doyichoo Guttoo

Doyechina'oo doyichee ikke dechiich boono daneti ariyoon gamichoo boono hakkimmii malleenon tachibit. Boono kuchi maacinaa kuxoyee maach goomiyoo boono hakkimmii mooyina'on boono qaawiyeemmoch tuniibit, dabbiishoo boono danetii mooyina'on goomiibee gutti gutte minnaakanneena'on boono shuuneemmonaa kuchi maac aaf keyi boono giddiyeemmo tuniibit.

## Shaahiyyoo:

No kuchi mallee kello no kuchi kelloyee xebbehe.

No kuchi kello no kuchi mallee kelloyee gaminniye.

## Malleteena'on sheqqo

Dojjechino doyechina'oo besheti haaree daggooch boonoshi doyiton wochi ciiniichi hini haaree dechiich icheti shaahiyyooch daakkoona gutte woyee keejje malleteena'on sheqqoonaa boono ariyoon boono uumiyeemmoch tuniibit.




Tachoo

**‘Tachee’ iyimmi mihoochi malltee sheqqo**

- A. Malletoochi kishee qecoo...../A/
- B. B. Malletoochi shuuneebeeti xaa’oo.....  
No getee aafena
- C. Malletoochi kishee made kaattoo .....  
Maaxowaan

- D. Malletoochi shuuraaro .....Qannee yoocha maaciwaan
- E. Malletoona tookii hammiibeeti aafe biriyee-na’ onaa ashittine shuuraareen’o .....  
kaama tiiti gogoo worganet aafu

**Xepphe kishee qeceeña’o**




*Qocheti haddee 2*

*Qocheti /sh*

*Qocheti /sh*

*Qocheti 5*




*Uppeti kisho*

*Qachi geengoo*

*Qachi geengoo*


*/Z qecoo*



*Qarecho*

*Bekkiti yafere*

*Yaggeeti 5*



*Gamino*

*Xebboo*

*Maggoo*

*Beshoo/damba*



*Giishecho*

*Qato*

*Woddo*



*Beddito*

*Giisheto*

*Tachoo*

*Tato*

# Haaroo Keemo

## No Qoco

### Hini haaroochee quyiyeemmi daacheena’o.

Doyechina’o Toppiyee showee asheena’ona waayoon womeetina’ochi qocee amittinonaa bekkiyeena’on briiheete.

Haaroo keemi doyyoon boono ciichitoyee gubb dabbimmina’on halloo hakkiyeete.

- ◆ Qocee amittinon briiheete.
- ◆ Boono shooddeechon/woraafee, kitaamitee qocee qihoon immiyeete.
- ◆ Gaacciibeetina’ona miixiibeeti qoceena’on bariyoona briiheete.
- ◆ Gaacciibeeti qoceena’on quyoona miixiibeeti qoceena’on aalliyooch boono heenoon kaachiyeete.
- ◆ Qocoona yesheti malleteena’on gaachoon kottiyeete.
- ◆ Qocoona yesheti malleteena’ochi isetoon sheqqeheete.

Indee malleteena’o: qoco, waayoon womeetina’ochi qoco, doyyoo, miixoo, gaaco, gaawe qoce bekkiiye malleteena’o( degeyoo, oogeyoo, haa’eyoo...) dab.

### Qaawiimmi dojee qiiceena’o

- ◆ Bari bare qoceena’on bekkiimmi shicheena’o.
- ◆ Haarexi inde malleteena’ona goome shicheena’on/fotograafeena’on gaacho, hakkiyoo qayigaata kafi noonee goomeena’on gubbi ga’oochaa yechiti belleeteena’on gaacho.

### Shimboon biriyyoo.

- ◆ Shimboon arichiyoo, shalligoo boonoshich gaawichi bekkiyaahaa briyyoo.
- ◆ “No qoco” malletoo gutte bari bare boono qelloon hakkitii malleteena’o xappeena’o tunnoon briyoona, doychina’o mallette koccii shafiroon arichiyoo.
- ◆ Qoco + No = No qoco.

### Doyoo Ikkoo:

#### Doyichoo Ikkoo: Shicheena’on shemmo

- Hini doyichee gaboo inde malleteena’on arichiyoo tunnoon digenebot.
  - ◆ Shicheena’on meeqqeqqoona shemmeyeesh wochoon imona boono shuuraareemmoch goggiibit.
  - ◆ Doyechina’o wochoon boono immiibeegaata malleteena’och goome miheena’on aa’i made toommooch kooribit.
  - ◆ Iihaatiyee ciirooch inde malleteena’o daggoochee gettiyaaneena’o beegaata sheqqee toommooch daakkibit.
  - ◆ Doyechina’ona tookkiyee malleteena’on yaferee bireena’ona tookki wochinon herechebeeta.

#### Echeena’o

- Shichooch ittoshi beegiibeeti qocee qeddee maacoochee ittoshi ariibeeti qocoon bariimmi mooyo beegaata aabi shooddoon bi bekkiibeetogaata ittoshi nuucheena’och briibot.
- Shichooch ittoshi beqqibeeti qocee bekkiiyeena’o ittoshicho woyee ittoshi beeti kitaamitee qocoon bekkibeeto aabi gaata itto dojjechinoch briibot.



3. Guttinnee shichoon xiishi ciiniichi ittoshi dige-  
neti wochoon ittoshi dojjechinoch briibot.

## Doyoo Guttoo:

### shemmesheo: (ikke doyee kaallo)

Shiichii qannitii shemmesheechi inde mallette-  
na'on aa'i made toommooch koori boono shuunee  
qocoon bekkibit, daakkoonoo time/inde shalligoon  
briibit.

Qoco, worgano, worganiimi/aaxxe, qayo, maachi  
asho, qayechina'o, miiliyeeno, maachi shaddee  
gijjoon, shooddoo, shiisheena'o, maccoo, boono  
qelli, kiino, qaappho, tookkii beemi, gogoo, ik-  
kittino, xeppho, tookkii, diggoo, beemo, haa'iyoo,  
oogiyoo, geeneena'o, gaacheyoo, biina biina kaa-  
ro, aalliyoo, gaboo, tookkii beemo, dico, gaanno,  
gaaccimmo, miiximmo, dokiriyoo, shaakkiyoo,  
yeeqqefechi, dawiyoo, iwee aadoo, wullittino, gal-  
laamo, heeto, quyo, shiijjeroo, beshiyoo, toocecho  
tuno.

- ◆ Inde malleteena'och koonjoo imona shemmee-  
shoon doyechina'och shemmo.
- ◆ Shemmeshee shalligoon TMN minnaakan-  
neena'on gaachoon giddiyoo.
- ◆ Doyechina'o shemmesheona yesheti echee-  
na'on boono echeemoch kupphiyoo.
- ◆ Doyechina'o dabbimmii doyee kaallee doyooch  
qanni shemmesheon boono qelloona shemme  
boono woyeemoch goggiyoo.

### Doyichoo Ikkoo: Wocheena'o

1. Shaahiyoo: Toppiyeen geeciimmi qocoo  
nooch beete.

No qoceena'o showoon qayechina'on ataalliyete  
dab.

2. Tookkii iiwoona beemo, haa'eyoo, oogiyoo,  
geeneena'on oogiyoo, degeyoo dab.
3. Maachi shaddee gijjoo/minizaaroo/ : Shaahi-  
yoo : Doolaaro, paawundo, yuuroo dab.
4. Maachee bushiisheena'on dokiiriyoo, maachee  
bushiisheena'o doyaacheemoch bayo, boono  
eeno shaakkiyooch bedanee maache bushi-  
isheena'o shaakkiyoo, yeeqqefechi maacheena'o  
iwee booxooch dabbi boono getteemmonaa

iwee aadoochena boono shiyaacheemoch  
bayo, dab.

5. No ubbichoona.

Doyichoo Guttoo: Minnaakannee koco

Shemmeshee maac boonoch beeti biishoon  
xeppho tuniyoona doyechina'o desh giddeti mal-  
leteena'och awuddoyee damboo tuneti malletoon  
yechiti minnaakannoon boono shuuneemoch  
tuniibit. Minnaakanneena'o shuuniyeemmo kuchi  
maac doyechina'o aafoochena TMN gaachesh  
tunoon shalligichibit.

1. Shoodoo

2. Qoco

3. Tato

4. Geeciimmo

5. Miiximmo

◆ Doyechina'o boonoch icheti malleteena'o toom-  
mooch minnaakannoon boono kocciibee goora  
besheti gutte haareena'o maacooch boono  
doyiti malleteena'onaa shafireena'on boono  
gaacheemoch kuphiibit.

◆ Gamini malleteena'ochi gaachee hinnoon  
kuphiyooch doyechina'o gaachooch boono  
qaawimmi malleteena'ochi sheqqoon aa'i made  
toommooch kooribit.

Doyoo keemo

Doyichoo Ikkoo: Doyechina'o boono doyton  
shuunee toommooch boono heechiyeemoch  
goggiibit.

◆ Ubbe doyechina'o boono shooddeena'ochi woy-  
ee ittoshi beeti kita mitee qocoon boonoshi  
kime nuuchena'och boono qoodiyeemoch  
goggiyoo.

◆ Boono shooddee shiishoon woyee boonoshi  
kitaamitoona doyeeti qoceena'o daggoochee  
gaacii beetina'onaa miixiibeetina'onon barri  
boono briyeemoch kuphiyoo.

◆ Dojjechino doyeetoommon doyechina'o wo-  
choon dabboona qaawimmi tachoona de-  
goonon eboommonoo andiree kotina'onaa  
herecheena'onon gamichoo boonoshich qaaw-  
ihee.

### Doyichoo Guttoo: Tootteyoo

- ◆ Dojjechino toottiyee gaboo doyechina’o kuppe kuchi maaci shuuraaree toommooch madeemmonaa boon doyiti malleteen’o, minnaakanneena’o naa aafoonaa ashittinee shuuraareena’o gaachoon boono shalligoon biriyooch boonoshin goggiyooch tunetoch ebi gaboon toociyooch hinnoon tachibit.
- ◆ Doyechina’o gutte guuphona qoodii toottiyee shafiroonon biriibit.
- ◆ Kaalloon quyeebee yibaato,
- ◆ Shimboon quyee yibaato,
- ◆ Baroochi shalligoon meeqqeqqoona elloonaa, tatoona wochoo.
- ◆ Tootteyee shimboon biriibit: Topphiye asheena’o ubba gogoo tuneti qocoon heetoonaa shiimee daggooch awuddinnee kimee doyechina’o hi qoodoo beete woyee aalla.
- ◆ Ikke guupho qoodoo beete bare guupho qoodoo aalla iyimmi shalligoon degona tootteyoo booneshich qaawiihe.

## Doyoo Awuddo:

### Shemmeeshoo

- ◆ Shiichii qannitii shemmesheechi inde malleteen’o naa’i made toommooch koori boono shuunee qocoon bekkibit, time/inde shalligoonoo briibit.
- Showaasho, gibeno, waayo womeetina’o, tookkii beet ashoo, naayo, bekko, biisho, qocecho, shikoo, kashee gommo, wuttiyoo, doyoo, shigo, tahee qoco, mami qoco, aricho, qiho, digenoon halloo, gamichoo, mashaamee qayo, tookkii beemo, ikk-wotto.
- ◆ Inde malleteen’o ch koonjoo imona shemmeshoon doyechina’o ch shemmo.
  - ◆ Shemmeshee shalligoon TMN minnaakanneena’o na gaachoon giddiyoo.
  - ◆ Doyechina’o shemmeshoona yesheti echeena’o na boono echemoch kuphiyoo.

- ◆ Doyechina’o dabbimmii doyee kaallee doyooch qanni shemmeshoon boono qelloona shemme boono woyeemmoch goggiyoo.

### Doyichoo Ikkoo: Tochoo

- ◆ Tochee gaboo doyechina’o boono digeneton boono noonoon wochinnoon getona amoommon boono digeneto gaata boono bekkiyeemmonaa aroona tookkishoo yibbaatee iiqqoon boono uumiyeemmochiye. Dojjecho tochoon ebi iiqqoon boono uumiyeemmii gommon tachooch herechebit.
- ◆ Doyechi koricee maac koteti teppeena’o doyechina’o tochee maac boono gimon dabboona qaaweemmi tachoonaa degoonon imo.
- ◆ Doyechina’o chi mallette gaachoonaa minnaakannee shuunee hinnoon meeqqeqqoona dabboona qayoonaa dabbimmi doyooch daakkee qiicoo tunii gaacho.

Doyechina’o ikki ikkoo tune keyona boono tochoon boono giddiyeemmoch kuphiibit. Boono tochee maac dabbimmina’o na boono giijoon xiishibit.

- ◆ Shuunee ariyeechina’o qocoon ciinnimmona amoon boono gibenebeeto gaata,
- ◆ Waayo womeetina’o chi qoce amittinno.
- ◆ Waayo womeetina’o chi qoco shooddooyee woyee Topphiye macceena’o chi qoco bariibeeti shuriyo.
- ◆ Waayo womeetina’o chi qocoon gamichoonaa digeno hallee gaaco:
- ◆ Waayo womeetina’o chi qocoon gamichoonaa digenoon hallee maacooch waayo womeetina’o chi heenoo.

### Doyichoo Guttoo

1. Waayo womeetina’o chi kashee gommo
2. Waayoon womeetina’o chi qocoo bekkeemmo qocce tahoona, maayoona, shikoona dab toonoone.
3. Mallette noonee “yibbaato” kotoyee aaf aafoonaa danoon koto, boono yibbaateebee goora aafoonaa aafoonaa ciineyoo, bekkoo beeti xaa’ooch kiceyoonaa, arichee goora gamini qihoon echo (shaahiyoo: nihoo shigo, boono doyiti doyee kechi shigo, shuunoo, dane xaa’oo

dab.), mallette shigoon imo, bari bare nabeena'on gaachona kiceyoo, dab.

4. Waayeebeetina'onnaa waayoon womeetina'o daggooch gaawe digenoo beeyeemmoch tuniiehe, waayoo womeetina'o tookkii beemi daggooch gaawe daqqoona ikki wotte boono beeyeemmoch gaacciye.
5. Boono danemmi adaachona boono qocoon arichiyooch herecho.

### Doyichoo Keemo: Wochoo

- |          |          |
|----------|----------|
| 1. Kooto | 4. Ibero |
| 2. Kooto | 5. Kooto |
| 3. Kooto |          |

Doyichoo Awuddo: Minnaakannee Koco

Doyechina'o dabbimmi malleteena'on gaachona TMNna minnaakannoon boono kocceemmoch kupphiibit.

1. Qoco
2. Waayo womeetina'ochi qoco
3. Doyoo
4. Goge qoco
5. Ikkochoo//

## Doyoo Uuchoo

Malleteena'on sheqqo




*Qoco*


## 'Qoco' iyimmi mihoochi malltee sheqqo

- A. Malletoochi kishee qecoo...../B/
- B. Malletoo shuuneebeeti xaa'oo.....Barooch qanne baddena
- C. Malletoochi kishee made kaattoo..... Yooche badd
- D. Malletoochi shuuraaro .....Gengoo
- E. Malletoona tookkii hammiibeeti aafe biriyee-na'onnaa ashittine shuuraareen'o..... Worganet aafa

Guuphona tuneyee tookk icheti shaahiyoon xep-phoona hini haaree maaci ittoshi doyiti ind inde malleteena'on sheqqebot.



*Genjoo/neexo*



*Qoco*



*Gaaco*



*Maccoo*



*Degiyoo*



*Hayiboo*



*Tadoo*



*Shooddo*



*Gallaamo/ Galletiimmo*



*Noonoo/𐌆𐌆𐌆/*

# Haaroo Awuddoo

## Showeena'onnaa xaa'eenachi Shigo

### Haaree doyoochee quyeebeeti daacheena'o.

Doyechina'o boono showaashittinonaa beemi xaa'oonon giishoochee ooge daqqooch beddaahaa sheqqoona briiheete.

Haaroo awuddee doyyoon boono ciichii tiimmona dabbimmina'on halloo hakkiyeete.

- ◆ Aagetee, Afriikee, Toppiyee, woraafena'onnaa woraafooch daneebeeti ogooge katemeena'o shigoon malleteena'on boono yaferee bireena'ona tookkii bekkiiheete,
- ◆ Doyechina'o boono showaashittinon, shooddoonaa beemi xaa'oonon giishoochee ooge daqqooch beddaahaa gettiyeete.
- ◆ Doyechina'o beemi xaa'ee gaacooch shalligoo immiyeete.
- ◆ Danee xaa'oon biriyo/bekkiyee malleteena'on gaachoon kottiyeete.
- ◆ Danee xaa'oonaa kaatee bekkiiyoona yesheti malleteena'on sheqqeete.

### Inde malleteena'o:

Aagetee, Afriikee, Toppiyee, woraafena'onnaa woraafooch daneebeeti ogooge katemeena'o malletoon, danee xaa'ee biriyo/bekkiyee malleteena'on gaachoon kottiyeete. (maac, qanna, yoocha, desh, damba, damba qachii, deshi qach, dab.)

### Qaawiimmi dojee qiiceena'o

- ◆ Kaaritteena'o,
- ◆ Kitaamichooch arichetii daneena'o cepho.
- ◆ Haareexi inde malleteena'onnaa goome shicheena'on/fotograafeena'on gaacho, hakkiyoo qayigaata kafi noonee goomeena'on gubbi ga'oochaa yechiti belleeteena'o.

### Shimboon Biriyo.

- ◆ Shimboon arichiyoo, shalligoo boonoshich gaawichi bekkiiyaaha biriyo.
- ◆ Xaa'ee shigoon, danee xaa'oonaa kaattoona yeshetii indee malleteena'on arichiyoo,
- ◆ Shigeena'o: Aagetee, Afriikee, Toppiyee...
- ◆ Danee xaa'oonaa kaattoonon bekkiiyee malleteena'o maac qanna, yoocha, desh, damba, damba qach, desh qach, dab.
- ◆ Xaa'ee shigonaa danee xaa'oonon bekkiiyoona yeshetii indee malleteena'on yaferee biroona bekkiiyo.

### Doyoo Ikkoo:

#### Doyichoo Ikkoo shemmo

1. Hini doyichee gaboo haaree indee malleteena'on arichiyooch tunoon shalligichibit.
  - ◆ Doyechina'o kaarittoon shemmebee boonono ariimmi xaa'eenan boono bekkiiyeemoch kuphiibit,
  - ◆ Kaaritteena'on xepphoo tuniyoona boono beeti xaa'oon dechee tijji kotona damba beddaahaa boono biriyeemoch tuniibit.
  - ◆ Shaahiyoo: ta beeto Boonganee, Boongi Qaabi woraafee maac danaha, Qaabi woraaf Toppiyee maac danehe, Toppiyee Afriikee maaciyee dab.
  - ◆ Doyechina'o wochoo immimmona malleteena'ochi gaachee hinnoon dabboona qaawiimmi tachoona imbit.
  - ◆ Doyechina'o andiree malleteena'on boono gaachemmona aa'i made toommooch kooroonaa ciiroochaa doyechina'ona tookki ihaateebit.

### Echeena’o

1. Dabbimmii kaaritteena’on meeqqeqqoona ciinichi ittoshi ariimmi showeena’ochi shigee malleteena’on itto dojjechina’och bekkiibot.
2. Kaarittoon xeppho tuniyoona and ittoshi beeti xaa’oon dechee tiiiji damba beddaahaa ( Kate-moo, dubbiiyoo, guudo, woraaf, ) digeniyooch herechebot.

### Doyichoo Guttoo

Doyichoon itti kotoyee aaf dojjechinot, dabbimmii dane xaa’ee/kaatee be’kiyeena’on biriibit: maac, qanna, yoocha, desh, damba, damba qach, desh qach dab.

Doyechina’ona tuneyeesh tatoona kaatee bekkiiyee hoyee xaa’eena’on boono ceechiyeemmoch herechiibit.

### Doyichee wochoo

1. Keeniyee danaabeeto Topphiyehee deshi-waaniye.
2. Topphiye danaabeeto Kenyeehee dambiwaaniye.
3. Topphiyehee damba qach danaabeeti Eeritirine.
4. Jibuti danaabeeto Topphiyehee qannane.
5. Suudaani Topphiyehee yoocha danahan.

## Doyoo Guttoo:

### Shemmo( Ikke doyee kaallo)

◆ Shiichii qannitii shemmeesheechi inde malleteena’on aa’i made toommooch koori boono shuunee qocoon bekkibit, time/inde shalligoon briibit.

Aaxxoo, feennee nuuchoo, aricho, aabi keyo, Afri-koo, woraaf, bi qelli qeejjoo, Qaabi, woraaf, xuggoo, saayinsoo, uumiyoo, qihoo, koorichoo, oogiyoo

◆ Indee malleteena’on bariti koonjoo imona shemmeeshoon doyechina’och shemmo,

◆ Shemmeeshee shalligoon TMN minnaakan-noon gaachoon giddiibit,

◆ Doyechina’o dabbimmii doyee kaallee doyooch qanni shemmeeshoon boono qelloona shemme boono woyeemmoch goggiyoo.

### Doyichoo Ikkee wochoo

1. Bi feennee nuuchooch.
2. Bi qelloon arichiyoo
3. Qaabi shooddee shiishoo getteebeeti woraaf, Kafi guudooch, Deechi dubbiiyooch.
4. Showoo, woraaf, guudo, dubbiiyoo, katemoo, xuggoo

### Doyichee Guttee wocheena’o

1. Ceeni shigo nihi nihoochona tookkish Alubbo Gaanecho Ceechi
2. Showoo Topphiyeecho
3. Woraaf Qaabi shooddee shiishoo
4. Guudo: Kafi
5. Dubbiyoo: Deechi
6. Katemoo: Awuraaddi
7. Xuggoo: Awuraaddi
8. Kechi haddoo: 00129

### Doyichoo Keemo

Doyichoo guttooch ittoshi gedditii herechoon xeppho tuniyoona dabbimmi ittoshi ceeni dane xaa’oon ittoshi kime nuucheena’och Topphiye malletee noonoon giddiibot.

1. Ceeni shigo nihi nihoochona tookkish \_\_\_\_\_
2. Showoo \_\_\_\_\_
3. Woraaf \_\_\_\_\_
4. Guudo: \_\_\_\_\_
5. Dubbiyoo: \_\_\_\_\_
3. Katemoo : \_\_\_\_\_
4. Xuggoo : \_\_\_\_\_
5. Kechi haddoo: \_\_\_\_\_

## Doyoo Keemo

### Malleteena'ochi sheqqo

Doyechina'ona tookkiyee haaree maaci boono doyiti ind inde malleteena'on sheqqebeta.

### Shaahiyoo:



*Xaa'oo*

### “Xaa’oo” iyimmi mihoochi malltee sheqqo

- A. Malletoochi kishee qecoo...../P/
- B. Malletoo shuuneebeeti xaa'oo.....No getee aafena
- C. Malletoochi kishee made kaattoo ..... Dambiwaan
- D. Malletoochi shuuraaro .....Gengoo
- E. Malletoona tookii hammiibeeti aafe biriyeena'ona ashittine shuuraaren'o ..... Gawuk-koo



*Aagetee*



*Afrikee*



*Topphiyee*



*Katemoo*



*Woraafu*



*Guudo*



*Qannoo*



*Beemi xaa'oo*



*Yoocha/kaattee bariyoo*



*Damba qach*

# Haaroo Uchoo

## Ta Shaahaaniyoo

### Haaree doyoochee quyeebeeti daacheena’o

- ◆ Doyechina’o boonoshichonaa bareena’ochi kiinoo tochiyeete.
- ◆ Haaree keemi doyoon boono ciichitoyee gubb dabbimmina’o shuunoo hakkiyeete.
- ◆ Shaahaaniyooch bechimmii shuuneena’oon bariyoona briiheete.
- ◆ Beshetonaa woyeemmi gooree gaaccimmii kanneena’oon herecheheete.
- ◆ Shimboona yeshetii malleteena’oon gaachoon kottiyeete.
- ◆ Shimboona yeshetii malleteena’ochi iseeteena’oon sheqqeheete.
- ◆ Malleteena’oon tatee gommona shalligoo ge-toch boono hakkiyeemmi gommina’oon herecheheet.
- ◆ Shaahaaniyoona yeshetii malleteena’oon sheqqe-heete.

### Inde Malleteena’o:

Shaahaaniyoo, aricheto, beelloo, oogeto, gallaamo, gondo, oogiimmo, giishiimo, kuppho, shuriyo, bariti gaaceena’o Malletoo ( halloo, isipoorito, poletikoo, ariyee doyoo) dab.

### Qaawiimmi dojee gaachee qiiceena’o

- ◆ Edisenichi footoo, showee daqqoonaa kitaamitoonooch arichetina’oona shaahaaniyooch bechimmii shuunoon halloona wojjeeti asheena’o, bari bare shuunee kaattoona daachechina’o tunoona wojjoon boono daamon bekkiiimmi kooricoo woyee haanikkooch beetii shichee-

na’o,

- ◆ Haareexi inde malleteena’oona goome shicheena’o/fotograafeena’oon gaacho, hakkiyoo qayigaata kafi noonee goomeena’oon gubbi ga’oochaa yechiti belleeteena’o.

### Doyichoo Ikkoo (Ikke doyee kaallo)

Doyechina’o dabbimmii echeena’o boono wochiyeemmoch tuniibit.

1. Shichooch ittoshi ciinniibeeti doyechon wojjeeto amoon shuunee’iiniyee iyii ittoshi shalligii-beeto gaata getot. Ittoshi doyee kexooch shaahaaniyooch bechimmii shuuneena’o
- ◆ Gaawe shuriyo bi bekkiitoch
- ◆ Barooyee beshe daacho bi deewitoch.
- ◆ Doyee kexon keroona bi topheetoch.
2. Wojjiibeeton, wojjeebeetona ciinniibeeti-na’ochi aafoon ciinona wojjiyoo hallibeeti shoodon/qeexxoon briibot.

Doyechina’owaanee quyeebeeti wocheena’o daggoochee dabbimmii qeexxee bekkiiyee malleteena’o boono dabboon xiishibit

Wojjiibeetina’owaanee: Emiroo, geecoo, digayoo, dab.

Ciinniibeetina’owaanee: Emiroo, dakoo, ippiyoo dab.

3. Shicheena’oon ciinona wojjooch bechoo hakkimii shuuneena’o sheqqebot.

Doyee kexoyee maach shaahaaniyooch bechimmii shuuneena’o

Ispoorittoona, shichoona, saayinsoona, boono doyitii ariyoona, dab, bareena’owaanee gaaweti daachoon koberiyoone.



## Doyoo Guttoo:

### Shemmeeshoo(Ikke doyee kaallo)

Xiishibit. Aree xepphoonoo shemmeeshoon shem-mebeeta.

- ◆ Koonjoo qaawiibeeti indee malleteenà: hallecho, baroo, ariyeecho, phirecho, digeno, yeexeroo, xeppe shigo, gibenee muccho, ariyee shappoo, mulloocheen, gibeno, kaaro, biin bi qelloona dojjoo, aayo, ariyoo, phiro, kupphoo, baaburoo, moojetiyoo, furigoo, karemeello, pharicho, afaafinoona, hayiboochee wodiyoo, emiroo, gaaco, telegraaf, daachiyoo, de'o, shunee ariyoo, dojjoo, xumo, saatoona, uk-kiroo, wocho, uumiyoo, aabbe humoo, qoco, grittino, keyo.
- ◆ Damba sheqqti koonjoo qaawiimmi malleteenàon bari bare gaachee maac doyechina'och biriyooch herechebit.

### Shaahiyoo: Dojjoo

- ◆ Dojjechino doyechina'on dojjooch ( maachee maac kishee madoon maac)
- ◆ Biini bi qelloona dojjoo ( maacee maach, kish-ee madoon maach).

## Doyoo Guttoo:

### Waayoo womeeti hallee shuunecho ( ibere kiino)

#### Kuxo Ikkoo

Doyechina'o tatoona boono digeniya beddaahaa hajjiyoon boonoshch briibit. Doyeetoommon ikkiikka echeena'on shemmebee shalligoon biriibeeta. Wocheena'on bari bare gommona boono immo hakkitaana dabbimmii moochi aafeena'on geto boonoshich qaawiihe.

1. Waayoo womeetina'o tuno,
2. Shabaatte natona,
3. Biich beeti waayee iritoon naboona boono dojjiibeeton bi digenoo qajjitoch,
4. Biin bi qelloona dojjoo, phiroona, shemmoona, giixoonaa,

5. Giishechee bushoo baaburoona pharichiya beddimmona ciinnii bi wodiyoonaa,
6. Telegraafee maashiioon uumii bi shuunoonaa, shuunoochee yookko.

## Doyoo Guttoo:

### Waayoo womeeti hallee shuunecho ( Ibere kiino)

#### Kuxo Guttoo

#### Dojjechino

- ◆ Kuxo guttoon itti shemmoyee aaf shem-meesheechi kuxi ikkoon qamichi gididiibit.
- ◆ Kuxi ikkee dechiich icheti malleteenàon giishe-bee getigaata ikke kaalloon wochi ciichiibit.
- ◆ Guttinnee kimee maac dabbimmii malleteenàoch kkoonjoon imbit: halloo, duubo, duubon duubbi qiico, maaco, qecoo, qiico, tooco, kiino, qaaro, kito, aricheto, ampuulo, gippoo, gaacho, elektriiko, giidoo, xuuphiyoo, jeneret-eroo, aadoo, kekoo, teekinoloji, genjoo, woho, shichoo, daniyoo, filimoo, shinnaa awuddo, ikke humo, daacho, hajjecho/doono, bashoo/ opraasiyoonoo/, tollo.

### Doyichoo Ikkoo

1. Kiinoo qamichii geto

Doyechina'o gutte shemmeesheena'o dechiich koonjoo ichetii malleteenàon boono gaacheem-moch herechebeeta. Ebi halleyoonoo dabbibit. Doyechina'o minnaakannoon boono kocceemmi shafiroon meeqqeqqoonaa ciini dabbimmii doyooch daakee dego tunii gaachebit.

Kiino qaminona. Toomaas Aliva Eediseni waayoon womeeti hallee shuunechone. Waayoon bi womeeto bi shabaate natonane. Bi waayiyaani qoodooch doyoon dabboo hakkaache, ebich yeexeroo getena ceekabee echete. Indee ippeyoona doyee kexoochee kicaa daama'a aree bi qelloona dojjitan. Bi indee dojjaabeetoyee daakkoonaa shemmoonaa phiree gedona Edisenii biin dojjii bi beeti qoodooch doyee kexooch doyiibeetina'oyee beshoon ariite. Ediseni kuppho, beelloonaa gibee-noon kuxaane ashoone. Bi kechi asheena'o girechina'o tunetoch bi 12 natona baaburee aadooch moojetiyoonaa shuunoon kottiye. Ikke aaboon

phireebeenaa baaburee maac qaaqqee hayiboon bi tiijitoch bi shuunoochee yookkehe. Ebich baaburee aadooch giixe giixoon kottiye. Ikke aaboon baaburee aadeexi nallefe bushoo baaburoona pharichiya gettaahena ciinni'ii hayiboochee wodihe. Bushoochi nihoo telegraafoon daachiyoonaa de'onochi ariyoon dojjoona telegraafee shuunee qoppecho tuniie. Ediseni telegraafee maashiino bi halla shuuneebeeto tuniie. Tunebaani bi wulloo ippeyoona shuunoochee biini yookiye. Edisenii bi moojjeteeti suuqee maacooch duubeti shaxikkee dukkee maashiinon uumi'ii shuunoonaa batti batt aabbe doolaaro biich qochetoch aroyee gubb gaan-necho bi tunetoch phiroon baach gedon kottiye.

Edisenii ikke humoyee dambe mooyina'on halite, duubon kaachiye qiiicon, qaaree kitti qiiicon, ampuuloo, eleetriikee giidoo xuuphiibeeti jener-eeteroon dab. Eedisenii bi ariyoon waayoon hakkiimmi qiiicon shuunoonaa gaachoon qaawaache, bashoonaa waayeemmo tuniyooch giddeti echoon mashaamaache iyi'ii qajjite. Ediseni bi shinnaa awuddee natona bi kashoo abetete.

2. Edisenich kiinoochee doyechina'o doyiyeem-moch quyeebeeti ind inde doyeena'o dabbim-mina'o kiciyeete.
  - ◆ Waayoon ciinnimmona digenee shappechii asheena'o beeteete,
  - ◆ Gibenee mucchoo/kuxo qaawiyaaache,
  - ◆ Doyoo doyee kexona baach neexeto toonoone,
  - ◆ Waaye womiyoo hakkee qayo toonoone,
  - ◆ Waayoon womeetina'o amoonona halloo hakkiyeete,
  - ◆ Waayoon womeetina'o ashi bushoochi beemo dicceemmo oge gaacoon gedditeete,
  - ◆ Waayoon womeetina'o Topphiye dicoch gaacoon gedo hakkiyeete.

### Doyichoo Guttoochi Wocheena'o

Doyechina'o ikke shalligoon bari bare gommona briyoo hakkeemmo tunoon boono digeneemmo och ikke echoon giishebee getigaata gutte doyechina'o wochiyeemmo och tuniibit.

1. Kupphittino, shiitina'ochi dego, shemmee doyo-oo, halle imo dab.
2. Duubeti shaxikkee duke maashiinee shaahoon uumi'ii bi shuunoonane.

3. Ampuulee bi halloo
4. Bi waaye womeyoo gaacoonani miiximi mooyo biich aalloone.
5. Waaye womeyoo hakkee qayo toonoone, waaye womiyoo biicho tunetii gaaco beete.
6. Ebich tate wochoo aalla. Doyechina'o boono shalligoon shataanoon boono briyeemmo och daaggibit.
7. Ikke humoyee damba.
8. Shalligoon kicoona bi shuunee toommooch koonjoo bi immeemmo och tuniite.

### Doyichoo Keemo

Doyichee gaboo kimee maac ihaatiye malloon tachoochiye. Dojjechino, wochoon imoyeena doyechina'o yibbaateemmo och kuphiyooch koonjoo imbit. Ikke doyecho wochoon immitoyee gubb dabbimmii malleteena'on gaachoonaa ihaateyoon boono dabiyeemmonaa bareena'o madeemmo och kuphiibit.

- ◆ And icheti wochooch woyee giddeti shalligooch mashaamiyeemmo ittoshine,
- ◆ Baritii wochoo woyee shalligecho beete dab.

### Doyoo Keemo:

### Tootteyoo

#### Dojjechino

- ◆ Toottiye inde gaboo haaree maac boono doyiti malleteena'onna boono shalligoon briyooch boono gaache bekkiiyeemmo och tunoon doyechina'och shalligichibit.
- ◆ Wochooyeena doyechina'o mallette gaachoonaa giddiyee toommooch koonjooch imbeeta,
- ◆ Haaree dechiich boono doyitii toottiye sheeroon shalligibeeta.
- ◆ Ubbe doyechina'oonaa boono qelli naayochi shigoon aa'i made toommooch kooribeeta.
- ◆ Doyechina'o boono kimoochee woyee doyee kechi maacee naayon mattii giddiyooch boono iriteegaata woccechina'on ispooritee ariyeechina'on, dab naayittinoona giddiibeeta.

- ◆ Tootteyee goorooch daachoon imbit, ciirooche-na beshiton arichiibit,
- ◆ Beshitoch giishechee woyjooon imona kupphiibit.

## Doyoo Awuddo

### Mallettee na'ochi sheqqoo

- ◆ Shiichitii haareena'ò daggooch sheqqeeti malletteena'òn shalligichibit,

- ◆ Doyechina'ò haaree maacooch boono doytii andiree malletteena'òn boono getteemmoch tuniyoona aa'i made toommoch kooribit.
- ◆ Doyechina'ò qelli qelloona ikkiikke malletoon kaaci uuche iseeteena'òn boono bekkiyeem-moch tuniibit.
- ◆ Kaallechi doyecho iseeteena'òn bi bekkiibeeti goora itti tatoo bi tunoonaa tune qayonon ittii getoyee shiichi malloon doyechina'òoch imbit.




*Doyoo*



*Gallaamo /Galletiimmo*



*Marittoo/Belloo*




*Herecho*



*Gaaweto*



*Halloo*




*Leemisuwa*



*Iitaa*



*Hiillaa*



*Ariyeech*



*Shriyoo*



# Haaroo Shirittoo

## Ambichee Saatoone

### Haaree doyoochee quyeebeeti daacheena'o

- » Doyechina'o heechi boono shuunoon saatoona yeshiyoon gettiyeete.

Haaroo shirittee doyoon boono ciichitoyee gubb doyechina'o dabbimmina'on halloo hakkiyeete.

- » Saatoon echeheete,
- » Saatoon gettiyeete,
- » Heechi boono shuunoon ciinnommona echoon echeheete, wochoon immiyeete.

### Indee malleteena'o:

Saato, maaddoo, xumoo, areddoo, shimitte saato, guttaa qato, awudooch heecee shappoo dab.

Qaawiimmi dojjee qiiceena'o

Bari bare xarepheeze woyee duukki toommeexi saateena'on deci bari bare qeppeena'on bekkiiimmi saateena'ochi shichoo.

### Shimbboon biriyoo

Saato + ambicho = saato ambichoone?

TMN "na" echetoyee gubb malletoona tookki aafe shuuraaroon bi bireebeeto tunoon shuune bekiibit.

TMN yibbaatee maac eche malletoon gaacho qaawiyaano tunoon briibit.

### Doyichoo Ikkoo: Shichoon Shemmoo

Dojjechino hini doyichee gaboo inde malleteena'on arichiyoo tunoon digenebit. Shicheena'on meeqqeqqoona shemmeyeesh wochoon imona boono shuuraareemmoch goggiibit. Doyechina'o wochoon boono immiibeegaata malleteena'ochi

goome miheena'on aa'i made toommooch kooribit. Iihaatiyee ciirooch inde malleteena'o daggoochee gettiyaaneena'o beegaata sheqqe toommooch daakkibit. Doyechina'ona tookkiyee malleteena'on yaferee bireena'ona tookki wochinon herechebeeta.

### Doyichoo Guttoo

Dabbimmi miheena'on kerimmi malleteena'o decichi aabi qeppoon boono keriiibeeto gaata ittoshi kimee nuucheena'ona tookki yibbaatebot. Damba shichooch giddeeti shicheena'ona shichoochi toommooch ittohi gedditi ihaateyoon xeppho tuniyoona malleteena'on kerimmi deci qeppeena'on kime saate haddee shichee toommooch bekkiiyooch herechebot.

1. Yaa'o : maaddee 12 saato
2. Maaddoo: 1 saatoochee 6 saatooch
3. Daggi areddoo: 6 saato
4. Areddoo: 6 saatoochee 12 ch beeti saateena'o
5. Aabe gimo: 12 saato
6. Xum: 12 saatooyee damba

### Doyoo Guttoo:

### Echee echeyoo

### Doyichoo Ikkoo

Dojjechino: Doyoon imoch dabbimmii shuunee'ona' gawaatibit.

- ◆ Doyechina'o shimbee toommooch ihaatiyoo boono geddiibee goora echa wochee hinnooch boono doyton shalligichibit.

- ◆ Manetinaa Machullinoch mallette shigoon imbeeta.
- ◆ Qaree echa wochee maacee doyechina'ò arichiyaanee miheena'ò kaaci aa'i made toom-mooch kooroona malleteena'òn, yaferee malleteena'ona bekkiibit, inde shalligoon briibit.
- ◆ Shiichii boono herecheti timoona keejjee tochasheena'òn keroona qaaree echa wochoon diraamee shaahoon doyechina'òch bekkiibit. Itti shemmemmona keejjee tochasheena'òn bari bare kaattoona boono neexeto tunii shichoon, ikki ikkoona tochasheena'ò yibbaatoonaa boono yibbaateebee gaata itti neexee hinnoon shalligee daqqoona shaddibee shemmebit.
- ◆ Doyechina'ò qaaree echa wochoon tatoona boono digeniyaahena keejjee kaalloon bari bare afaafinoona wochi shemmebiti.
- ◆ Batti batt gutte doyechina'òn Machullinaa Manetina tunoona boono kaacheemmoch ataalloona itti dojjechon keroona qaaree echa wochoon daakkibot.
- ◆ Doyechina'ò qaaree echa wochoon gaawe hinnoon boono ciinaa beddaahaa doyechina'òn shadibee herechoon dabbiibit.

## Doyichoo Guttoo

Dojjechino: And Echa wochee herecho tunoon doyechina'òch briibit. Doyichoo ikkee dechiich boono doyiton shalligichibit. Herechoon gedoch

- ◆ Doyechina'òn gutti guttoo tunii qoodoona ebi gutte doyechina'ona ikke echoon echoonaa aree echoon wochooch boono qanniyeemmoch daqqiyeena'òn imbit.
- ◆ Boono herechoon boono ciichimmona boono nuucheena'ò aafiwaana gideyeesh echa wocheena'òn boono bekkiyeemmoch goggiibit.
- ◆ Guupho bi qelli qelloona bi qanniton giddii bi iyitoyee gubb kotetii doyechina'ò qoyitoo boono immeemmoch tuniibit.
- ◆ Doyee toommon doyechina'ò boono gaachetii andiree malleteena'òn dabbibye aa'i made toommooch kooriichi doyee toocoochena ikke woyee gutte kaaloon doyechina'ona tookki gawaatibit.

## Doyoo Guttoo:

### Saatoon Shemmo

#### Doyichoo Ikkoo

Hini doyichoochi gaboo doyechina'ò saatoon ciinniibee shemme herechoon kotoyee aaf yibbaatoon boono herecheemmoch tachoociye. Haddeena'on aa'i madee toommooch koorii boono iyitoyee gubb shemmee hinnoon doyechina'òch bekkiibit, dabbiyoona doyechina'ò ikki ikkoona tiibeesh haddoon TMN boono bekkiyeemmoch tuniibit. Doyechina'ochi digenee hiinnoon xepphoo tuniyoona haddeena'on wochi wochi shaddibit.

3: 00- keejje saato

Doyichoo Guttoo: Dijitaalee saatoon shemmo

And doyichee ikkee dechiich boono gedditii herechoon shuunee toommooch heechiyooch bi qanniyeemmoch doyechina'òch getit.

Doyechina'ò kaalli kaalloona tiibeesh boonoshich ichtetii shicheeti saatoon TMN boono shemmeemmoch kuphiibit.

Doyechina'ochi wochoon dabboona doyichoo ikkee dechiich boono doyitii yibbaatoon shuunee toommoch boono heechiyoon xiishibit. Qaawimmii tachoona degoonon imbit.

## Doyoo Keemo

Dojjechino ebiyee aaf boono doyiton timo tuniyoona Mariitichi heeyon doyechina'òch shemmebit. Doyechina'ò malleteena'ona minnaa kannee itti shuunee hinnoon meeqqeqqoona boono ciinneemmoch shalligichibit.

### Doyichoo Ikkoo: Wocheena'ò

1. Maaddee 12 saato
2. 15 daqqiqoo
3. Ikke saatooch
4. 5 saataa 45 daqqiqo
5. 9:30 che 11:00 saatoonaa xumi 2:00 saatoochee 3:00 saatooch

## Doyichoo Guttoo : Xibiyoo

Dojjechino “A” dechiich sheqheetina’o doyechina’och shemmeechi doyechina’o “B” dechiichee xibemmon malletoona boono bekkiyeemoch tuniibit.

- |      |      |       |
|------|------|-------|
| 1. D | 5. A | 9. E  |
| 2. J | 6. C | 10. F |
| 3. H | 7. B |       |
| 4. I | 8. G |       |

## Doyoo Awuddo:

Duuhonaa Xarepheeze Saateena’on Shemmoo

## Doyichoo Ikkoo

Dojjechino besheti kuxina’ooch boono doytii saatee shemmee hinnoon ikke kaalloon wochi ciichiibit, diijitaale saatoon shemmoonaa dijitaaloo tuniyaanee saatoon shemmoonaa daggooch beeti barittinooch briibit.

Batti batti shichoon doyechina’och shemmoonaa shaahiyon imbit.

Doyechina’o ikkiikkebee tiyee saateena’on boono shemmeemoch tuniibit.

## Doyichoo Guttoo


Doyechina’o Maarichi shaahiyoon xepphoo tuniyoona deci heeyo saatoonaa tooki yeshiyoona boonoshi kuchi nuucheena’och boono briyeemoch hinnoon tachibit.

Inde malleteena’onaa saatee yibbaateena’on wochi ciichiibit. Doyechina’o kaalli kaalloona timona heechi saatoonaa yeshiyoona boono yibbaateemoch kuphiibit.

## Doyoo Uuchoo:

Malleteena’ochi sheqqoo

Haaree maac gaacooch heechitii uuche malleteena’on aa’i made toommooch kooroonaa malleteena’on doyechina’och bekkiibit. Dabbiyoona ikkiikke malletooo doyechina’ona tookki sheqqebit.



*Aaf/Beshete(saato)*



*Gutte saato*



*Aabe dagg*




*Manderoo*



*Xum*




*Saatee damba*




*Areddoo*



*Maadda*



*Daqiiqo*



*Aabee giyemmona*

# Haaroo Shabaattoo

## Maayi Kaaco

### Haaree Doyoochee Quyebeeti Daacheena’o

Doychina’o maayoonaa uye kaacon doyeeti malleteena’ on briiheete.

Haaroo shirittee doyyoon tooccii boono iyitoyee gubb doychina’o dabbimmon halloo hakkiyeete.

- » Maayoonaa uye mallette shigoon bekkiiheete.
- » Boono maayoonaa uye kaacon mallette shigoon gaachee briiheete.
- » Xaa’oonaa hinnoonon daggiiti gommona maayoonaa uyyoonon echeheete.
- » Doyeeti maayoonaa uye kaacochi bekkiiyyoon briiheete.

Inde malleteena’o:

Bari bare maayoonaa uye shigeena’ on/ malleteena’ och, kaaci bekkiiyee malleteena’ o, niyeho, gaawa

Qaawii beeti Dojje gaachee qiiceena’ o

Bari bare maayi shaheena’ o cepheena’ ona woyee shicheena’ o

### Shimboon briyoo

Maayoo + kaaco = Maayi kaaco

Topphiye mallette noonoo taacho woyee “P” n saaha malleteena’ on gaachee bi qayon, tunebaani taachi woyee “P” getoch aafee shuuraaroonaa briyoo hakkeemmo tunoon shuunoonaa bekkii bit.

TMN “kaaco” naa “niyoona” malleteena’ o shaheena’ onaa shaahaaneena’ o boono tunoonaa baritinoonon bekkii bit.

### Doyoo Ikkoo

#### Doyichoo Ikkoo: Shichoon Shemmo

Dojjechino, hini doyichee gaboo haaree maaci inde malleteena’ on arichiyooch tunoon shalligichibit. Shichooch bekkie beeti maayi shaheena’ ochi shigoon itti echoon kotoyee aaf doychina’ o meni decooba mamoch boono daammiti shaafiree shaahoo amoo gaata woyee boono kita mitoochi asheena’ o wodge aaboon maabeeti maayeena’ onaa uye shaheena’ onon boono getteemmoch tuniyyoon kotit. Doyechina’ o bekkii malleteena’ on aa’ i made toommoch kooribit.

Doyechna’ o boono kitaamitooch woyee shooddoochi maayi shaahoon getoch kechi maacaa boono gaachee beeti malleteena’ on kuchi maaci boono nuucheena’ och boono bekkiiyeemmoch kuphiibit. Boono kexi kexona boono gaachee beeti malleteena’ o bari bareena’ o tunegaata ubbichoyee gaaweti malletoon kaacona gubbich aree malletoon baach gaachooyich boono mashaamiyeemmoch tuniibit. Andree malleteena’ onoo kaameeroonaa kitona woyee shichoonaa kotiibit.

Doyeetoommon shicheena’ on meeqqeqqoonaa shemmyee wochoon imona boono madeemmoch kuphiibit. Doyechina’ o wochoon boono immiibee goora boono gaachee beeti malleteena’ ochi goomee miheena’ on aa’ i made toommoch kooribit. Ihaatiyee ciirooch inde malleteena’ o daggoochee gettiyaano beegaata itti sheqqee maacooch daakibit. Doyechina’ ona tookki malleteena’ on yaferee bireena’ ona wochiinoon daakki gettiibit.

Doyechina’ o inde malleteena’ on yaferee malleteena’ ona tookki bekkiiyyoon boono hakkiyaahaa beddaahhena ihaatiyoona wochi ciichiibit.



## Doyoo Guttoo :

### Shemmeeshoo Ikkoo

Yeeraangichi Maayi kechi danetoo

### Kuxo Ikkoo

Dojjechina: Shemmeeshoon Itti Shemmon Kotoyee Shiichi

- ◆ Yeeraangich mallette shigoon boono immeemoch tuniibit
- ◆ Dabbimmii shemmeeshhee maac koonjoo qaawii miheena'och goome miheena'on aa'i made toommooch kooriichi malleteena'ona boono inde shalligoon briibit.

Maayi kexo, danetoo, kechi asho, guuchoo, yefelleshoo, ataalloo, hajjeyoo, laastikoo, kaafu, meenu, sheqqo, gatiyoo, qaawoo, michoo, kaaco, baraallo, geecaa kotaachaa, shoollo, iritoo, degeyoo, kiiyo, gufo, shaano, doqqoo, gattoo, bago, meeno, ceelle woxo, noofito, shalligichee komadoo, peennoo, biiroo, faantoo, shafiro, tooteyoo.

- ◆ Shemmeeshoon iiti shemmemmona TMN gaachoonaa shalligoon meeqqeqqoona boono dabbieemoch doyechina'och shalligichibit.
- ◆ Shemmeeshoon gutte kaalloon doyechina'och shemmetoyee gubb niyechi doyechina'on shemmeshoochee beddimmi wottoon kuchi maacaa boonoshemmeemoch tuniibit.

### Doyichoo Ikkoo

Dojjechino: shemmeeshoon xepphoo tuniyoona echa wochoo giyeemmo tunoon doyechina'och shalligichoon boono qannito tunoon echebit. Doyechina'o daggee echeemmo beegaata malloon immbit. Doyeetoommon wochoon itti echooyee aaf echeena'on qelli qelloona TMN gaachoon doyechina'och briibit.

### Doyicheena'ochi wochoo:

1. Batti batti goorooch.
2. Bi aabina, bi indeenaa, bi maneena tookkii
3. Meenu
4. Maayena'ochi shigoon ubba boono ariyaanee tuno.
5. Iibiyeechon ceegona briyoon echo

## Shemmeeshoo Guttoo :

Yeeraangichi Maayi Kechi Danetoo

### Kuxo Guttoo

- ◆ Hini shemmeeshoo batti batti shemmeeshoochi dabbimmi kuxo tunoon doyechina'och ariyeemoch tuniibit, batti batti shiichitii kuxoochee itti dojjitii malleteena'on wochi ciichiibit.
- ◆ Ikkoo woyee gutte doyechina'och batti batti shemmeeshee shalligoon qaminona boono kuchi nuucheena'och wochi boono getteemoch tuniibit.
- ◆ Kuxi guttee shemmeeshee maacee koonjoo qaawii dabbimmii miheena'on aa'i made toommooch kooraa itti iyitoyee gubb malleteena'on bekkiiyoona inde malleteena'och toommooch ihaatiyoo gedeeta.

Mamo, uyo, ciichoo, hiddoo, shaxikkoo, taatoo, qoco, qocci qayo, gaawichii, qixoo, shuunecho, shumayoo, doyee kexo, hospitaalo, gommoo, gofoo, hakkoo, hakkee qayo, miixoo, wochoo, haddoo, iibbiyoo, digayo, dukko, wattoo, guuboo, ne, worgano, kito, andiro, galleto.

And shemmeeshoon shiichii boono qannitii hinna gutte kaalloon doyechina'och shemmebit.

### Doyichoo ikkoo Shaligoon kicoo

Doyechina'on boono qelli daagoona kaaci shemmeeshoochee boono digeneton boono getoona qamichi boono kuchi nuucheena'och boono briyeemoch kupphiibit.

Shemmeeshee maac beet meeti miheena'o TMN maac qaawiiimina'o toonoone. Doyechina'och herechoon hiniyee desh giddeetii shaahiyoona bi katineeto tunegaata gaawetone katiniyaano gaata dabbimmiina'on TMN briichi doyechina'o wochinnoon boono herecheemoch kupphiibit.

### Shemmeeshoo kiceemmona

Ikke aaboon Yeeraangi bi niheenona, bi indinaa bi maneena tookkii maayi kexooch hammiye. Maayi kexooch bi giimmona biich batti batti gooroone. Maayi kechi shafireena'on ariyaanoone. Bi ciinnitii mooyona oogichii worganehe. Bi aabiyoo biich maayi kechi shafireena'on dojjiye. Bi aabii meechi michoon, bi indi baraalli woxoon, Yeeraanginaa bi maneena kiicheton hajjiyoona maa-

heete. Bi aabinaa bi indeenona biiron uchimmona Yeeraanginaa bi maneena faantoon uchiteete. Niheeno adaachich gijjoo qocheemmona shaxikkoon echo qaawiihee iyii gettiye. Shaxikkoon echo taatoo qaawiimmi qixoon bi daneemmoch gaaciyee iyii'ii bi niheeno gettiyone. Taatoo qixoochee bi macitii gijjooon shumayoon qococh, gommoch, hospitaaloonaa shaaheena'on gofiyooch gaachehe. Yeeraangi bi doytii andiree doyoona imirite. Bi doyton bi kuchi nuucheena'och qoodooch oog-ichii niyete.

## Doyichoo

- ◆ Doyicheenna'on wochoo imon boono kotoyee shiichi doychina'ona tookki gutte shemmeshee dechiich koonjjoo icheti malleteena'on wochinoo shalligichibit.
- ◆ Doyichoo ikke dechiich giiti herechoon ikke kaalloon daakkibit.
- ◆ Doyeetoommon ikkiikke echoon doychina'och TMN shemmoonaa doychina'och shemmesheon boono digenoon xiishibit.
- ◆ Gimoochaa koteti malleteena'on gaachoonaa doychina'och madeemmoch kuphiibit.
- ◆ Doyechina'och wochoo wochoon boono immiibee goora meeqqeqqoonaa dabbibee andiree malleteena'ona TMN gaachoonon aa'i made toommoch kooroonaa ihaatee boono iyitoyee gubb doychina'ona yibbaatebit.

## Doyichoo Guttee wocheena'o

1. Iibbiibeetochi koonjoon danooch
2. Kiicheto
3. Taatooch qocheemmi qixoo tatoona qocheemmoch
4. Qocci shaxikkoon immiibeeti maashiino ki-toon taatooch arichiie
5. Ooge imiroo

## Doyichoo Keemo:

### Guuphi Iihaateyoo

Guuphi shuunoo: Yeeraangi maayi kechi maacaa bi doyiti andiree doyeena'on bariyoo.

Gaboo: doychina'och shemmesheoochee boono doyton qoodeyoona booneshinaa booneshina boono doyiyeemmoch gaachooyichiye.

- ◆ Batti batt gutte shemmesheena'och maacee koonjoo ichetii malleteena'on doychina'ona tookkiyee wochi ciinit.
- ◆ Guuphi shuunoon doychina'och TMN briibit.
- ◆ Kimee meetoommona doychina'och gutte woyee keejje guuphona qoodoonaa gengoo shuune boono koteemmoch tuniibit.
- ◆ Guuphoch ikke yaabechon kaacit.
- ◆ Doyechina'och guuphona itti qoodaabee goora belle doychina'och bareena'ona tookkii tunoon shalligichibit.
- ◆ Guuphi shuunoon 5-10 daqiiqooch daaggibit.

Quyebeeti wocheena'o dabbimmina'on kiciyeete

- ◆ Meenu amoo gaata
- ◆ Maayi kexoochaa kishee koppee biishoo amoo gaata
- ◆ Meenu toommoch sheqqeeti maayeenaa'ochi sheqqoon echo hakkeemmo tunoon
- ◆ Maayi kexeexi yibbaateena'och shaahiyooch "amo wocheebota", "amo ittoshich beete" ceelle woxoo, baraalli woxo, hiddoo dab.
- ◆ Maayi kchi maac gatiyee tootiyoo gimi qayon
- ◆ Maayo woyeemmoch hajjiyooyee aaf meenuchee gatiyoon ciino hakkeemmo tunoon
- ◆ Iibbiyoona imirimmo wojjiibeeto/dukkeebeeto tunoon
- ◆ Shaxikke qaawiyoon

## Doyichoo Awuddo

Doyeeti Maayi Kechi Yibbaateena'o

- ◆ Amo wocheebota?
- ◆ Amo beete?
- ◆ Ikke allicoo, ikke ceelle woxo
- ◆ Gutte biironaa gutte faantoonaa
- ◆ Hiddoo ambichoone?

## Doyichoo Awuddo : Diraamoo

Gaboo : doychina'och shemmesheon wochi boono ciinneemmoch tuniyoona shemmesheon gaaw-ichi digeniyaaneena'och digeneemmo tuniyooch,

eboommonoo shemmeeshoochee boono doyiti andiree malleteena'on suunoonaa boono gaacheem-moch mallee halloo.

- ◆ Batti batti haaree dechiich ichteti malleteena'on doyechina'ona tookki wochi ciinit.
- ◆ Doyichoo keemi dechiich ichteti doyeeti maayi kechi maaci yibbaateena'on wochi ciichiibit.
- ◆ Doyechina'on gutti guttoo tunii guuphiyoona ikkoo iibbiyeecho, ikkoo iibbiibeeto tuniyoona qoodibit.
- ◆ Guuphina'och uuche daqqiqeena'on imona herechoo giyeemmoch malloon imbit,
- ◆ Guuphina'och herecheebeegoora guudi ciinona qaawiimmi gaachoon gedit.
- ◆ Ikkiikke guupho bi qanniton bi gidditoyee gubb bare doyechina'och uumiimmi qoyitoo boono immeemmoch tuniibit,
- ◆ Doyee doyechina'och boono gaachetii andiree malleteena'och beegaata aa'i made toommooch kooroonaa guuphi shuunoo cii'ii tiimmona doyechina'ona tookki yibaatebot.

## Doyoo Keemo:

### Iiwechi Mami Qoco

- ◆ “Iiwech” naa “Iiwe” malleteena'ochi barittinoo bekkiibit.
- ◆ Iiwechi mami qocoo amoogaata briibit, bari bari maayeen'ochi tatee oogishoon tatee saatoonaa maanjoo.
- ◆ Maayina'ochi mallette shigeena'on wochi ciichiibit.
- ◆ Dittee shalligoo qaminona biriibit.
- ◆ Shiichi qanniton timo tuniyoona Aabeechinaa Aaxxitinon tunoonaa dittoon TMN doyechina'och giddibit.
- ◆ Boono qelli daaggoona gutte doyechina'on kaacoon dittoon boono gididiyeemmoch kuphiibit.
- ◆ Doyechina'och kaal kaalloona keyona dittochee amoon boono doyito gaata boono briyeemmoch tuniibit

- ◆ Doyechina'och boono gaachetii andiree malleteena'och beegaata kimee maacaa ihaateebot.

### Doyichoo Ikko

- ◆ Shichoon shemmooch doyechina'och uuche daqqiqoon daaggibit.
- ◆ Doyechina'och shichoochee amoon boono doyito gaata boono briyeemmoch kuphiibit.
- ◆ Echeena'on TMN na doyechina'och gididiyoona doyechina'och wochi toommooch kupphe shuuraaroo boono geddeemmoch goggiibit.

### Wocheena'o

1. Cicoo
2. Aangecho
3. Iiqqooyee dech woyee damba tunetii maggitino, iqqee mucco, wochii wochii biiyoona naxiyoo, eena tateena'och halloo hakkimmon halle hakkee qayo dab.
4. Maayeen'och shaddii shaddii tatetii maayoon mam.
5. Michaafeena'och baach mamoo no ashittinooch qaawiimmon ubba imo boono hakkaanooch.

Doyoo Awuddo: Malleteena'ochi sheqqoo

### Hajjiyoo:


Haaree maaci ind inde malleteena'on sheqqebot.



*Maayo*



*Kexo*




*Uyo*




*Kaaco*



*paastoo*




*Lasilaasoo*




*Laslaasoo*




*Aangecho*



*Michaafo*



*Qappoo*



*meechi Michoo*



*Woxo*

# Haaroo shimittoo

## Kaattoon Bariyoo

### Haaree doyoochee quyeebeeti daacheena'o

Doyechina'o tatee kaatteenaa'on gettiyeete, echeheete.

Haaroo shimittee doyoon boono toocciyee gubb doyechina'o dabbimmina'on halloo hakkiyeete.

- » Kaattoon echeheete.
- » Kaattoon gettiyeete.
- » Kaattee bekkiyeena'on gaachoon kottiyeete.
- » Kaattee bekkiyeena'on gaachoon boono kitaamitoon gettiyeete.
- » Boono kitaamitooch danemmii indi indee xaa'eenana'ona boono daneebeeti xaa'eenana'on briiheete.

### Inde malleteena'o:

Echee malleteena'o (doogena, aabiich, aabiwaan...) kaattee bekkiyee malleteena'o (desh qach, qanna, damba qach, yoocha itti guudemmona dab.) ittoshi kitaamitooch beeti ind indee xaa'eena'ochi shigeena'o dab.

### Qaawiimmi dooiee gaachee qiiceena'o

Aree katemee woyee boono kitaamitee kaaritoo, katemee woyee ikke gafoon bekkimmi shichoo.

Shimboon briyoo



Baroo

“Baroon” kerimmii mallette goomee kafi noonee mihoo boonoshich aalegata TMN malletteena'occhee ikkoo tunoon briibit.

Kafi noononaa TMN na bari bareena'o tunoon, ikkiikke kaalloon baach shaahe kafi noonee miheena'on boono gimee hinnoommona bari bare malleteena'on gaachooch qaawiyoo boono hakkiyoon shuuneyee bekkiibit.

### Shaahiyoo

Kaattoon bekkiiyoo ( Shichee toommooch bekkebeeti malletoo)

Ushireeti mooyina'on bariyoo ( doyeeti bariyee malletoo)

Ikke ashi konaatinoon bariyoo (ariyee malletoo)

Gimo

Haaroochi inde malleteena'on gaachoon itti beemi kexo aabiich bi daneebeeto gaata doyechina'och birriibit.

Doyechina'o ittichi shaahiyoon dabbona aabekk itti beeto gaata biriyooch kupphiibit.

Doyechina'o gaacheebeeti kattee bekkiyee malleteena'on aa'i made toommooch kooribit. Doyechina'o indee malleteena'on yaferee bireena'ona tookki bekkiiyoo boono hakkiyaahena ihaateyoon wochinibit.

No gafoo iyiiibeeti shemmeeshoon itti shemmooyee shiichi dabbimmii miheena'on goomee malleteena'ona, inde shalligoon doyechina'och briibit.

Gafoo, Addis Ababi, geenoo, aafiwaan, dagg, aspaalitoo, gommoo, yoocha, qanna, waan, badd, inde, chee, woceaaco, beddaahaa, shaggimoo, dano, cice gafee maaci, gubbo, gaaco, gamino, xebboo, giixe goroo, gofoo, iyeete, shuutoo, baanko, ga'o, caammee suuqo, hoteelo, daggoona, geenga shaa-

he afoo, gaddo, giidoo, masheree maaco, kiliniiko, desh qach, qorqoroo.

Shemmeeshoon boono shemmeebeegoora doye-china'o malleeteena'ochi gaachee hinnooch koonjoo imona gaawichi boono dabbiyeemmoch shalligichibit.

Shiichi qannii boono waati timoona shemmeeshoon ga'oonaa shemmeebit. Doyechina'on boono qelli daaggoona shemmeeshoochee beddimmii kuxon boono shemmeemmoch kupphiibit.

## Doyichoo Ikkoo

Doyechina'o dabbimmii shuuraareena'on boono gawaatiyeemmoch tuniibit.

1. Shemmeshee maac icheti briyoon dabboona tochiibeeti bushoo, Gabitinaa Tuuraachinochi beemi kexonaa, kiliniikoonon shichee maacee qaawi danebeeta.
  - ◆ Dojjechino deshi qach, damba qach, yoochee, qannee dab getteebeeti kaattee beekiye malleeteena'on gaachoonaa doyechina'ochi kaattee qaawee hinnooch gaachebit.
  - ◆ Doyechina'o echeti xaa'oo danemmona yaferee malletoon gaachoonaa tuniyaanon tatee kaattee beekiyeena'on gaachoonaa boono digeneemmoch echebit.
2. Doyechina'on gutti guttoo tuniyoona guuphiibit. Doyechina'o
  - ◆ Boono gafoon ciinnimmona qihoo boono shaddiyeemmoch tuniibit,
  - ◆ Gutte doyechina'o boonoshich icheti qihee toommooch timo tuniyoona boono nuuchee-na'ochi gafoon shichoona boono beekiyeemmoch tuniibit. (ebin hallooch shichee ariyoo wuttoo tune qayonaa baaree kexoch (+), baankooch (\$), gommoch (=) dab . gaachoon hakkiyeete. Inde mooyo boono gaacheto boonoch icheti qihee xepphoonaa tunoon xishoone.
  - ◆ Shichee qihoon immiti doyecho ciiniyee bi immiti qihoonaa shichoona am shaahoo katineebeeto gaata maaco bi immeemmoch tuniibit.

## Doyichoo Guttoo

1. Aafiwaan , daggwaan, yoochinaa qannina, badd, cice maaci gommo, gubbo, gamino, shuutoo, bi qannoo, qanne badd, naaba, dagg, ikke balle meetiro, maaciwaan gii, deshi qach.
2. Bare doyechina'o madoon boono hakkiyeemmoch getteebeeti xaa'eenan ubbe doyechina'o ariibeeto tmemmo gaata gaawa. Shaahiyooch, baankeena'o, gabiye xaa'oo, gibene xaa'oo, doyee kexina'o dab. Ikke doyecho ikke xaa'ooch aabiich bi danebeeto gaata birii'i bi iyitoyee gubb tachee shalligechi doyechina'o shalligoo boono immeemmoch woyee qihoon tachi boono giddiyeemmoch daagibit.

## Doyoo Guttoo

### Kaattee Echee Hinnoo


Ubbe doyechina'o Magneechinaa Degina tunoonooa qaaree echa wochoon boono herecheemmoch tuniibit.

### Doyichoo Ikkoo


Doyechina'o herechoochee bedditii ariyoon boono dano xiisheetoyee gubb qaare echa wochee maac koteti kaattee beekiye malleeteena'on ikki ikkoonaa boono beekiyeemmoch tuniibit. Itti beekiiti kaattee beekiye malleeteena'on minnaakannee maac boono gaacheemmoch kupphiibit.

Doyoo Keemo : Malleeteena'ochi sheqqoo

Haaree maac gaacooch heechitii malleeteena'o daggoochee uucheeena'on kaaccii sheqqoo.



*Damba*



*Kaama tii'i*



*Qanne badd*



*Katino*



*Naaba*



*Woho*



*Qannoo*



*Yoochoo*



*Kaattoo*



*Kaama aafiwaan*



*Yoocha/ kaattee  
bariyoo/*



*Woce aaco*

# Haaroo Yiixiyoo

## Tiraafike Sheereena'o

### Haaree doyoochee quyeemi daachoo

- ◆ Doyechina'o tiraafike sheereena'onaa boono qelloon hayiboochee quyoyich hakkeemmi gommoon biriiheete.
- Haaroo shirittee doyoon tooccii boono iyitoyee gubb doyechina'o dabbimmina'on halloo hakkiyeete.
- ◆ Tiraafike malleteena'on biriiheete.
  - ◆ Tiraafike sheereena'on boono goomee bekkee qaxeroona tookkii xibiyoona bekkiiheete.
  - ◆ Tiraafike shafireena'on kimee maacaa diraamoona bekkiiheete.
  - ◆ Tiraafike sheereena'on quyee gaacoon briiheete.
  - ◆ Tiraafike sheereena'on quyee qayo dabbimmi hayiboon briiheete.

### Inde Malleteena'o:

Tiraafike qaxereena'on ( cello, keellesho, mocero), Zeebiroo, Tiraafiikee pooliso, hayibo, gengerena'o dab...

Qaawiibeeti Dojje Degee Qiiceena'o

Mocero, keellesho, tiraafike hayiboon bekkiibeeti filimeena'o woyee fotogiraafu.

### Doyoo ikkoo : Doyichoo Ikkoo

Dojjechino: Hini doyichee gaboo inde malleteena'on arichiyoo tunoon shlligichibit.

Doyeetommon shicheena'on meeqqeqqoona shemmeyee wochoon imibee boono shuuraareemoch goggiibit. Doyechina'o wochoon boono immiibeegaata malleteena'och goome miheena'on

aa'i made toommooch kooribit. Iihaatiyee ciirooch inde malleteena'o daggoochee gettiyaaneena'o beegaata sheqqee toommooch daakkibit. Doyechina'ona tookkiyee malleteena'on yaferee bireena'on gaachoona wochinoon herechebeeta.

### Shemmeeshoon itti shemmooyee shiichi

- ◆ Inde malleteena'on wochi ciichiibit.
- ◆ Dabbimmii miheena'och goomee malleteena'on doyechina'och bekkiiibit, inde shalligoonoo biriibit.
- ◆ Tiraafiiko, niheeshoo, tiraafiikee pooliso, tiraafiikee sheeroo, tiraafiikee hayibo, ashittinooon miixeeto, yaapho, aaliyoo, gengeriyeecho, gengero, halleyoo, gommi yoochoo, gommi qannoo, quyo, gommi kuxi zeebiroo, cello, bekko, keelleshee bekko, mocere bekko, acha tagge, iiqqee shappoo, ciixo
- ◆ Shemmeeshoon shiichii itti qannitii hinnoona shemmebit.
- ◆ Qelli daagoona doyechina'on kaali kaalloona timona shemmeeshoochee beddimmi kuxon boono shemmeemoch tuniibit.
- ◆ Shemmeeshee inde shalligoon TMN digeniibit.

### Doyichoo Ikkoo: Shalligoon Taco

Shemmeeshee inde shalligoon boono noonoonaa kimee nuucheena'och boono briyeemoch doyechina'on goggiibit. Doyechina'o shalligoon bari bare gommona giddiyoo boono hakkimmi qoodooch barittinooon daacoo tunii ciinaayeeta. Dabbimmina'o shaahiyoo tunii gaachoona doyechina'ochi herechoyee gubb TMN giddiibit.

Qemi qemona meeti asheena'o tiraafiikee hayiboonaa qitiyeete, wodde asheena'o ashittinooon miixeeto tuneheete, yaapho aalehe. Baatoona sha'eebeetina'onaa gengeriyeechina'ona sheeroon boono



quyeto gaata ebi halliyaacheeshone. Tiraafiikee hayibo shagaacheemmoch dabbimmina'on halloo nooch qaawiihe, no baatoona no hammemmona goomi yooche baddena sha'o, goomn no kuxxaa beshemmona batti batt yoochinaa qanne baddinon ciino, zeebiiroo beeti xaa'oona kuxo, cello aaxemmona neexo, keelleshoo aaxemmona qannoo, mocero aaxemmona shuuraaro, gengerena'ochi gommooch kaachi qayo, acha tagge woyee iiqaalli gengeriyeechina'o beeti qoodooch meeqqeqqon daamonaa no yebbeti kaameelo tiraafiikee sheereena'on quyo qayigaata meeqqeqqiyoo, tiraafiikee poolisooch arichiyoo woyee kindoo nooch qaawiihe.

### Doyichoo Guttoo Wocheena'o

1. Tochiibeetochi niheeshoone.
2. Qemi qemona
3. Baatoona sha'eebeetina'onnaa gengeriyeechina'o tiraafiikee sheereena'on boono quyee qayonane.
4. Qitoo, ashitinee qeppoon miixeyoonaa yaaphee naxiyoonaa.
5. No aafaa waabeeti kaameeleena'on kette gommona ciino boono hakkiyeemmochiye.
6. Battii batt yoochinaa qanne baddinon ciino nooch qaawiihe.
7. Neexebe getone.
8. Amoyichee? Acha taggeena'onnaa iiqaalli gengeriyeechina'o beeti qoodooch.
9. Meeqqeqqiyoo tiraafiikee poolisooch arichiyoo, kaameeloochee kindoo.
10. Ooge giishechoone.

### Doyichoo Keemo: Diraamoo

Cello, keelleshoona amocere belleetteena'on gaachoonaa doyechina'o tiraafiikee sheereena'on kuchi maacaa boono herecheemmoch tuniibit.

- ◆ Kuchi maaci godooch booroonaa gommonaa zeebiiroo shuunebit.
- ◆ Shemmeeshoon gaawichii digeneti ikke doyechon tiraafiikee poolisoon tuniibit.
- ◆ Gutte doyechina'on kaamelechina'o tune boono kaacheemmoch tuniibit.
- ◆ Bare doyeechina'o gommechina'o tune shuunebeeta

- ◆ Doyechina'o kaacheti doyecho bekkiimmi kaaridee qaxeroon timoo tuniyoona shuuraareemmoch hajjiyoo imbit.
- ◆ Shuuraaree hinnoon dabboona qaawiimmi taccoonaa degoonon gedit.

### Doyoo Guttoo:

#### Xibittinee Bekkiyee Malletteena'o

Doyichee Wocheena'o

- |      |      |      |
|------|------|------|
| 1. E | 3. B | 5. A |
| 2. C | 4. F | 6. D |

### Doyoo keemo:

#### Tochoo

- ◆ Tochee gaboo doyechina'o boono doyitii malletteena'onnaa boono daneti doyoon shuunee toommooch bekkiyee malloon tachoo tunoon shalligichibit,
- ◆ Battii batt ebiich beddaahaa gaacooch heechitii malletteena'on wochi ciichiichi doyechina'o malletteena'on tochee maac boono gaacheemmoch shalligichibit,
- ◆ Doyechina'o boono aafoonaa boono ciinit woyee aafoonaa ciinnitii shaxeenawaanee boono waayeti tiraafiikee hayiboon tochoo hakkiyeete,
- ◆ Tochoo shuuraare bekkiyoona giddiyoo qaawiihe,
- ◆ Tochoon dabbibee qaawiimmi tacheena'onnaa degoonon gedit,
- ◆ Doyechina'o boono tochoon ikke aaboon ... geti boono kotteemmoch kupphiibit.

### Doyoo Uuchoo :

#### Malletteena'ochi Sheqqo

Doyechina'ona tookki haaree maac getteeti ind inde malletteena'on sheqqebit.

Shaahiyoo:



‘Pooliso’ iyimmi mihoochi malltee sheqqo

- A. Malletoochi kishee qecoo.....Qodeti bekkiiyee/malleti yafere
- B. Malletoochi shuuneebeeti xaa’oo.....Yooche gogoo
- C. Malletoochi kishee made kaattoo..... Desh
- D. Malletoochi shuuraaro ..... Maacee maach
- E. Malletoona tookii hammiibeeti aafe biriyeena’ onaa ashittine shuuraareen’ o..... Ciixiya halliti gogoo



Tiraafikee pooliso



Qaxero



Cello



Keellesho



Mocero



Zeebiroo



Shuriyo



Hayibo



Meeqqeqqoo



qitoo

# Haaroo Aashiroo

## Meeqqeqqo

### Haaree doyoochee quyeebeeti daacheena'o

- ◆ Doyechina'o miiximmi mooyina'ona giya beddimmi meeqqeqqeenach kette booyoon immiyeete.

Haaree aashiree doyoon boono gawaatii tiimmona doyechina'o dabbimmina'on halloo hakkiyeete.

- » Miiximmi mooyina'on biriiheete,
- » Bi qelloon aabichii miiximmii mooyina'oochee qiddo hakkeemmo gaata shalligoon giddiyeete.
- » Mmiximmi mooyina'ochi bekkiyee malleteena'on yaferee malleteena'ona bekkiiheete.

### Haaree Indee Malleteena'on Arichiyoo

Meeqqeqqo, meeqqeqqoo, acha taggoo tuno, hayibo, miiximmii mooyina'o, attee mooyina'o, acee mooyina'och malletoo( atto, qaaqqoo, shikkoo...), shiichee dego, hospitaalo, kiliniiko, dab.

### Qaawiimmi Degee Qiiceen'o

- ◆ Acee mooyina'o, attee mooyina'o.

Shimboon Arichiyoo

- ◆ Meeqqeqqo geto ama geto gaata TMN briibit,
- ◆ Doyechina'o boono kexoochaa, kita mitoochaa, boono doyee kexoochaa dab boono geddiibeeti meeqqeqqee shaahona'ona amoocheen boono meeqqeqqeebeeto gaata echebit,
- ◆ Iihaatiyee maac hakkeegaata inde malleteena'on gaachoyich herechebit.

- ◆ Doyechina'o yaferee bireena'ona tookki bekkiiyoo boono hakkiyaahaa ihaateyoon wochi ciichiibit.

### Ciinona shemmo

#### Doyichoo Ikkoo: Shichoon Shemmo

Dojjechino: hini doyichee gaboo haareexi inde malleteena'on arichiyoo tunoon shalligichibit. Doyeetommon shicheena'on meeqqeqqoona shemmoona wochoon imona boono madeemmoch doyechina'on kupphiibit.

Shichoochi bekkeebeeti hayiboon shakkiyooch hakkimmii mooyina'ona cooxina'o boono shakkiyaa bedee hayiboonnaa no daamma bedee meeqqeqqee shaheena'on boono kimee nuuchee'na'och boono briyeemmoch kupphiibit.

Shichooch giyaaneena'ona doyechina'o ariibeeti bare hayiboon shakkiyoo hakkimmii mooyina'o woyee cooxina'o beegaata boono kuci nuuchee'na'och boono getteemmoch tuniibit.

Doyechina'o wochoon boono immiibee goora boono gaacheebeeti malleteena'ochi goome miheena'on aa'i made toommooch kooribit. Iihaatiyee ciiroochena inde malleteena'ochi maac gettiyaano beegaata itti sheqqee maacooch daakkibit. Doyechina'ona tookki tuneyeesh malleteena'on yaferee bireena'on gaachona wochi ciichiibit.

#### Shemmeeshoo: Meeqqeqqo

Shemmeeshoon itti shemmoyee shiichi dabbimmii miheena'ochi goome malleteena'on doyechina'och bekkiiibit, malleteena'ochi inde shalligee toommooch doyechina'ona tookki ihaateebit.

Beemi, shuunoo, doyee, kitaamito, gaaccimmi, miiximmi, miixoo, shikkoo, magaadoo, acecho,

qiiceena' o, berekiinoo, shoco, shunnee aalliyeewatto, keemikaalo, attechii aachereena' o, michoo, elektriike woderoo, xuuraa-xuuroo, shiboo, qoriqoro, duuho, uxeroo, ciwulliyoo, daro, gejjo, woce aaco, oppo, kechi gijjeena' o, kubbi cooxina' o, yuummere cooxina' o, ashittine qeppee miixeyoo, dawee, woxxoo, dihoo, qemi qemona, qelli xallittino, doyiyaano, bekkiiyoo, qaabboo, gemmeena' o biiyo, qaamo, shiichii

- ◆ Shiichaa'a itti qanniton xeppho tuniyoona shemmeeshoon shemmebit.
- ◆ Shemmeshee shalligoon TMn briibit.

### Doyichoo Ikkoo

Doyeetoommon doyechina' on madiyooch gaaw-ichi shuuraarikkibit.

Echeena' ochi Wochoo

1. Aabi xaa'oochona beemi, shuuneechona doyee kita mitoo beete.
2. Naboo ikkiikke miixiibeeti mooyina' o no beemoch/ kashooch qaawiiheete.
3. Shikkoo, magaadoo, sochi woyee shunnee aalliyeew keemikaaleena' o, maayi kachiyee qiiceena' o, magge mooyina' o, elektriikee qiiceena' onaa wodereena' ona.
4. Shikkoo, magaadoo, elektriike qiiceena' o
5. Qitoo, ashittine qeppee miixiyoo, dawee woxxoo,
6. Boono qelli xallittinoon quyo, kishoon saamunoonaa macho, shiteeti/ / maayeenaa' on no kememmonaa boono gooroo beshee qayon xiishoo, no maabeeti maayi xallittinoon quyo, kechi maacoonaa maaxonoch no gaachaabeeti qiiceena' on tatoonaa gaacho, sheereena' on xepphoonaa mooyina' on no gaachoyee aaf boono amittinoon boono toommooch xeppeeti bekkiiyoon shemmoonaaa woyee shiitina' onaa qaabbeena' onon echoona xiishoo, mooyina' on no noonooch daammi qayo, kechi maacoonaa maaxeexi qaaqqee gemmee ga'oonooch meeqqeqqoonaa shuuraaro, kechi maacoonaa maxonoch no shuuraaraa beegaata qaawiimmi meeqqeqqon gedo, shahiyoochena tiraafii-kee sheeroon quyo, gomme yoochoon yechii sha' o, holliyeemmi qiiceena' o aafoochee woho, miiximmii kechi gijjeena' onaa kubbi cooxina' onoochee woho, aabi xaa'oochona kooreeti meeqqeqqeenaa' o oogiyoo.

7. Hayiboochee xalloo tuno, iiwechi kashoon, woxxoochee wodoo
8. Iritoo shagoyee aaf wushiyo.

### Doyichoo Guttoo

- ◆ Haaree maacooch andi daqqooch beddaahaa ichti malleteena' on wochi ciichiibit.
- ◆ Shemmeeshoon xepphoo tuniyoona doyechina' o kaalli kaalloona keyibee boono kexonaa kitaamitooch hayiboon shakkiyoo hakkimmii mooyina' onnaa ichiya beddimmi meeqqeqqeenaa' o toommooch boono kimee nuucheena' och boono briyeemmochoo tuniibit.
- ◆ Doyechina' ochi wochoon dabboona qaawiimmi tachoona degoonon gedit.
- ◆ Doyechina' o andiree malleteena' on woyee minnaakanneena' on boono gaachetoyee gubb aa' i made toommooch kooroonaa doyichina' ona tookki ihaateebit.

## Doyoo Keemo

### Malleteena' ochi sheqqo

Doyechina' ona tookkiyee haaree maac koteti ind indee malleteena' on sheqqebit.

Shahiyoo: Meeqqeqqoo



**‘Meeqqeqqoo’ iyimmi mihoochi malltee sheqqo**

- A. Malletoochi kishee qecoo.....P /T/
- B. Malletoo shuuneebeeti xaa’oo.....No getee aafena
- C. Malletoochi kishee made kaattoo..... Yoocha qanna


- D. Malletoochi shuuraaro ..... Gengoo
- E. Malletoona tookii hammiibeeti aafe biriyeena’ onaa ashittine shuuraareen’ o..... Kaama tiiti gogoo, shiiceti aafu



*Meeqqeqqoo*



*Hayibo*




*Hospitaalo*




*Aco*



*Iiwoo*



*Elektriiko*



*Qaaqqoo*

# Haaroo Aaraa Ikko

## Mooyina'ochi Shuunee Hinnoo

### Haaree doyoochee quyeebeeti daachoo

◆ Doyechina' boono gaacheebeetina' onaa boono guudooch beeti qiiceena' o shuuneeti qiicoonaa boono gaacoonon briiheete.

Haaroo aaraa ikkee doyyoon boono toocciyoyee gubb doyechina' o dabbimmina' on halloo hakkiyeete.

- » Shuuniyaanee qiiceena' onaa shuuneetina' on xibiyoona biriiheete.
- » Ikkeekke qiiceena' o amoochee boono shuuneeto gaata ihaateheete.
- » Bari bare qiiceena' o shuunooch gaaccimmii mooyina' ochi malleteena' on yaferee bireena' ona bekkiiheete.

Haree inde malleteena' on arichiyoo

Mooyina' ochi shigeena' o ( gabbero, peennoo, koppoo, kooricoo, ...) eboshi shuuneeti mooyina' o ( mixo, hippaafoo, xuuroo, laastikoo...) boono gaaco(koorooch, kotooch...)

Qaawii beeti dojjee degee qiiceena' o

Bari bare qiiceena' on shuunooch gaacii beeti mooyina' ochi cepho, xuuroo, mixo, huuttoo, hippaafoo, laastiko dab eboommonoo bari bare qiiceena' onaa qiiceena' ochi shichoo.

### Doyoo Ikkoo

#### Doyichoo Ikkoo

Doyechina' o yechitii mooyina' oochee ikke mooyon boono kaaceemmocho tuniichi dabbimmii echeena' on doyechina' och TMN biriibit. Aroyee

gubb doyechina' o boono kaaccitii mooyon xeppho tuniyoona TMN boono wochiyee mmoch kupphiibit.

1. Boono yechiti mooyo amoone?
2. Boono yechiti mooyo amoochee shuunehe?
3. Boono yechitii moochi gaaco amoone?

Doyechina' o wochoon boono immimmona boono gaachetii andiree malleteena' on aa' i made toommooch kooroona doyechina' ona tookki ihaatebit.

### Doyoo Guttoo

Shichoon Shemmo: Hini doyichee gaboo haareexi inde malleteena' on arichiyooch tunoon shalligichibit. Doyeetoommon shicheena' on meeqqeqqona shemmoona wochoon imi boono madeemmocho kupphiibit.

Doyechina' o gaachetii malleteena' on aa' i made toommooch kooroona doyechina' on ihaatebit.

#### Shemmeeshoo: Bungee kotiyoo

Shemmeeshoon itti shemmoyee shiichi shemmeeshoochee kaachetina' onaa bare koonjoon qaawimmii, dabbimmi malleteena' on arichiibit, boono inde shalligoon biriibit.

Taato, taatee kexo, kelli, gaaweto, geeco, nuuqqoo, bungee kotiyoo, goyo, showoo, hoxo, ciigo, shixxiyoo, sekondo, worgano, ariyee qayo, kaaro, keeshoo, yaapho, shiijee daneto, nuuqqa hachecho, ippeyoo, gufii kaaro, woriwaabbo, shenyoo, shaco

Shiichaa itti qannaa iyiton xepphoo tuiyoona shemmeeshoon itti shemmaabee goora TMN gaachee hinnoo doyechina' o beeggeemmonaa yeshiitaa giddeeti echeena' on wochooch boono qanniyeemmocho doyechina' on shalligichibit.

### Doyichoo Ikkoo

Doyeetoommon hiniidoyichee inde koonjoo malleena'ochi gaachee hinnoo tunoon shalligichibit.

#### Doyichoochi wocheena'o

1. Showoocheen
2. Bi shuuneeto showoocheen tunoon bi ariyee qayo
3. Bungee kotiyoo shuuneeto showoocheen bi tunetoch
4. Taateeno bushee woriwaabboon yookkaabeen ariyaanoon neexa'aa tiichahan. Bi tiishoona ippiyaa'aa xaqqoona qiccaa showoo tuniihan.
5. Bi shuuneeto showoocheen tunoon

### Doyoo Keemo

Echoon echoonaa wochee yawo

Echaa wochee herechoon kotoyee shiichi dabbim-mii malleeteena'on arichiibit, boono amittinon briibit.

Xareppheezoo, mixo, woriqato, hippaafoo, shuraabo, huuttoo, ta caammoo, goqqo, kapho, laastiko, gabbero, xuuroo, guuboo, shinaatoo, sigajjoo, yi'o

Batti batt doyeetoommon echoonaa wochoonon

itti ikkeetoo gutte doyechoommon tuneyee doye-china'och bekkiiibit, dabbiishoo ikke belle doye-chon kaaci echaa wochoon daakibit, ciiroochena doyechina'o gutti gutoo tuneyeesh kaalli kaalloona kimee maacooch keyi boono bekkiyeemmoch tuniibit.

Doyecina'o bedditt digenoon boono daniyaahena herechoon dabbiibit.

#### Doyichoo Ikkoochi Wocheena'o

Ggaare/Dojje qiiiceena'o , mixo, hippaafoo, huuttoo, gooqqo, laastikoo, xuuroo, shinaatoo, yi'o

#### Doyichoo guttoo

Doyechina'on qari qaroo tuniyoona doyichee ikkee dechiich boono herecheti echaa wochee hinnoon xepphoo tuniyoona boono yechitii mooyina'o amoochee boono shuuneeto gaata boono echiyeemmoch tuniibit. Guudibeeshoo boono herechoon dabbibit, hereche ciiroochena gaawe shaahaaniyoo tuno hakkimmii qareena'on kuchi maac aaf keyi neexe boono echaa wochoon boono bekkiyeemmoch tuniibit.

### Doyoo Keemo

Kiiraa kiiron aa'i made toommooch shichiichi hoyee xaa'ooch boono ceechiyeemmi malletteena'on doyechina'owaanee echebee ceechibit.

Qiiceena'o	Boonoshi shuuneeti gaare qiiceena'o							
	Mixo	Huuttoo	Xuuroo	Laastiko	Showoo	Hippaafoo	Gooqqo	Yi'o
Jiraafoo								X
Shachoo							X	
Gaaboo		X						
Qofiyoo			X					
Jaarikaano				X				
Midaadoo					X			
Waanjoo	X							
Maaneshoo			X					
Bunee qondoo					X			
Worqato						X		

## Doyoo Awddo

### Malleteena'ochi Sheqqo

Hajjiyoo: Doyechina'ona tookkish haaree maac getteeti ind inde malleteena'on sheqqebot.

### Shahiyoo:

Gaaco

### 'Gaaco' iyimmi mihoochi malltee sheqqo

A. Malletoochi kishee qecoo.....G

- B. Malletoo shuuneebeeti xaa'oo.....No getee aafena
- C. Malletoochi kishee made kaattoo..... Damba
- D. Malletoochi shuuraaro ..... Maaciwaaninaa maachina
- E. Malletoona tookii hammiibeeti aafe biriyee-na'ona ashittine shuuraaren'o..... Aalla



*Xuuroo*



*Huuttoo*



*Showoo*



*Laastikoo*



*Mixo*



*Bungoo/becheecho*



# Haaroo Araa Guttoo

## Bi Qelloon Biriyyoo

### Haaree doyoochee qyeebeeti daacheena'o

Doyechina'o boono konaatitinoon biriiheete.

Haaroo aaraa guttee doyyoon boono gawaatitoyee gubb dabbimmina'on halloo hakkiyeete.

- ◆ Boono kashee kiinooon gettiyeete,
- ◆ Bareena'ochi kashee kiinooon biriiheete,
- ◆ Beshetii kanneena'on bekkii-beeti malleteena'on biriiheete,

Haaree indee malleteena'on arichiyoo

Xaa'eena'o shigo, beshetii kanneena'o, maaree nato, ta shiijjeto, ta dicceto, eeno, ta eeno dab...

Qaawiimmi dojjee gaachee qiiceena'o

Beshetii kanneena'on bekkii-beeti malleteena'on bekkiiimmi fotograafeena'o/shicheena'o

### Doyoo Ikkoo

Doyichoo Ikkoo: itti kashee kiinooon ( iberoo woyee halloona tunoon hakkiye) woyee ceeni shigo, shiijjee natonaa xaa'oona, shiitina'ochi besheti kiino, bushittinee hinnoo, doyyee sha'o, kashee iriteena'o, woyee daneteena'o dab...

Kiino doyyechina'o dabbimmii echeena'on wochooch boono hakkiyeemmooh tuniitaa qannoo biich qaawiihe.

1. Dojjechino bo kiinooon bo kottito amoocheeniyee?
2. Bo tochiibeegoora koonjoo bo immiti moosheena'o am ameeena'one?

3. Kiinee maacooch bo gaachetii kanneena'o am shaaheena'one?
4. Bo kiinooon bo tochimmona besheto tunoo bekkiiyooch bo gaacheti malleteena'o ameeena'one?
5. Bo kiinee toommooch shappito woyee daakkiiyaa bedee mooyo beegaata biriibot


### Doyichoo Guttoo:

Doyechina'on gutti guttoo tunii guuphiyoona itti bekkiiiti shaahiyyee xepphoona boono kashee kiinooon tochoona boono herecheemmooh tuniibit. Dabbimmii doyyee kaallooch kimee maacooch aaf neexoona boono yibbaateemmonaa boono echiyeemmi qoodooch kuphiibit. Boono herechoon boono ciichimmona boono kuchi nuucheena'o aafoochaa dabbimmi echeena'on boono wochiyeemmooh tuniibit.

1. Itto nuuchoochi tochee hinnoo aabichii-beete?
2. Itto nuuchoo bi tochee hinnoon bi uumiyeemmooh amoon booyehote?

### Doyoo Guttoo

Shemmeeshoo: Dokter Andriw Foosteri( ibere kiino)



*D/r Postere malaataa suntsaa*

Dokter Foosterichi mallette shigo

Shemmeeshoon itti shemmoyee shiichi dabbimmii malleteena' on doyechina' och bekkiibit.

Foosteri, Ameerikee, Alabama, showoo, Afri-ikee-Ameerikeexo, aa'i Ameerikeexo, cicino, maa'idinoo, maa'idinee kichoo, caajjee qeyeche, gubb echeto, katemoo, gajjoo moyiti, phiro, guttinee daqqee doyee kexo, Michigaan, nacceena'o, mallo, gumo, tukecho, giixo, qoppecho, kolleejjo, wochee doyoo, gilawudeete digri, Afriikooch, bare niyechi bushiisheena'o, yuniversity, barite niyee doyoo, maastireeto, misiyoooneexo, siyaatili, shaahe, toociyoo, kittinnoo, kocee neechoo, gaboo

Doyichoo Ikkoo: Doyechina'o kiinoo boono getteemmoch itti echooyee shiichi

- ◆ Malleteena'on ikke kaalloon woch ciichiibit,
- ◆ Kiinoo TMN briibit

Dyechina'o kiinoo bari bare gommona gididiyoo hakkiyeete. Tunebaani dabbimmii teppeena'on daakkoo qaawiihe.

Ceeni shigo, bi shiijjee xaa'oo, bi kechi ashi hinnoo, bi diccitii xaa'oo, bi doyee kiino, Afriikooch womoch biini tiijitii naboo, Afriikooch womoch bi gedditii yulleena'o, biina daneti iriteena'o, danetii daachoo.

Doyechina'ochi wocheena'o michiito tuno qayigaata kiinoo wochinnoo briibit. Michiito tunegaata echa wochooch beshebit.

### Doyichoo Guttoochi Wocheena'o

1. Alabaama, dambee Ameerikoo
2. Cicinee maadinee kichoo
3. Gajjoo moyibeeti biiyo
4. Alabaama waayoo womeetina'ochi doyee kexo
5. Xaanee kaameelon gengeriyo, dojjoo
6. Woheexi doyoona
7. Keejje nato
8. Baritii niyoona
9. Bariti niyechi bushiisheena'on dojjooch bedditii doyee kexina'o beemi qayo
10. Awurooppee haddoona 1956 woyee 1948 M.N-ba

## Doyoo Keemo

Shemmeeshoo Guttoo: Dokter Andriw Foosteri (ibere kiino) kuxo guttoo

Kiinee kuxo guttoon itti shemmoyee shiichi

- ◆ Kuxo ikkee maac koteti malleteena'on wochi ciichiibit,
- ◆ Kuxo ikkoonchi kiinoo qaminon briibit

Dabbimmi kuxi guttee maacooch danebeeti malleteena'on doyechina' och bekkiibit: Shaggi xaa'oo, aabi gimo, Gaani, Naayijeeree, mashaamito, hinnoo, ufo, profeesero, yaafee doyoo, gal-laamee shuunoo/dego, gaaco, oogittinee doktree-to, qaato, toociyoo, Aroplaano komico, kashee abbeto, gutoo

### Doyichee Gutteechi wochoo

- |           |           |
|-----------|-----------|
| 1. Kooto  | 6. Kooto  |
| 2. Kooto  | 7. Iberoo |
| 3. Kooto  | 8. Kooto  |
| 4. Iberoo | 9. Kooto  |
| 5. Koooto | 10. Kooto |

### Doyichee Gutteechi wocheena'o

1. Dokter Foosterichi niheeno cicinee maadinee iijjehinone.
2. Dokter Foosteri aa'i Afriikee- Ameerikee ashoone.
3. Dokter Foosterichi kechi ashi haddoona girechina'one.
4. Dokter Foosteri qitito aroplaanee hayiboonane.
5. Dokter Foosteri ubbe Afriikee showooch doyee kexon qechee gumo/qaato yecitinone.
6. Dokter Foosteri immiti gallaame gaacoon ciinniti yuniversity oogittinee doktree-ton immite.
7. Dokter Foosteri uuche Topphiye asheena'on Naayijeerooch daamona dojjitone.
8. Dokter Foosteri Kette gommona giboon kuxximmi asheeno toonoone.
9. Bo kashoona beeti goorooch Dokter Foosteri 30ye dambe doyee kexina'on qechitone.
10. Dokter Foosteri hini aagetochee qitoona bo barito 1987 m.n chiye.

## Doyoo Awuddo

### Tootteyoo

#### *Doyichoo Ikkoo*

Doyechina'on gutte guuphona qoodoona Toomaas Ediseninaa Dokiter Foosteri shuuneena'ochee waayoon womeetina'och beshiti ooge gaacecho aabi gaata boono toottiyeemmoch tuniyoona daachoon imbit.

#### *Doyichoo Guttoo*

Doyechina'o ebiih beddaahaa boono doyiton xepphoo tuniyoona boono kashee kinoon kuchi nuucheena'och boono getteemmoch tuniibit.

Doyoo Uuchoo: Malleteena'ochi Iseeteena'on sheqqo

Malleteena'ochi sheqqo

Doyechina'ona tookki haaree maac koteti ind inde malleteena'on sheqqebit.

## Shahiyoo: Qello




### 'Qelli ' iyimmi mihoochi malltee sheqqo


- A. Malletoochi kishee qecoo.....A /h/
- B. Malletoo shuuneebeeti xaa'oo.....No getee toommoch
- C. Malletoochi kishee made kaattoo..... Maac
- D. Malletoochi shuraaro ..... Maachiwaanee maac
- E. Malletoona tookii hammiibeeti aafe biriyeena'ona ashittine shuraareen'o..... Gubb teelloo



*Shiijjo*



*Beemo*



*Eeno*



*Qitoo*

